

摘藻堂四庫全書薈要

史部

欽定四庫全書薈要

史部

御批通鑑綱目卷三十七下

詳校官編修
臣汪鏞

欽定四庫全書薈要卷七千三百五十一 史部

御批資治通鑑綱目卷三十七下

丙子十二年 楚帝林士弘 春正月分遣使者發兵擊諸起

(雜)

兵者

朝集使不至者二十餘郡始議分遣使者十二道發兵討捕盜賊

集覽

朝集使自外入朝與朝班

者曰朝集使

書法

諸起兵者何惡廣也綱目賊廣故不書羣盜書諸起兵者此綱目之新例也凡書起兵者

皆以自敗為文

發明分注載討捕盜賊而綱目乃變文書發兵擊

討賊之意終始不易凡此類非綱目不能備也

作毘陵宮

詔毘陵通守集十郡兵數萬人於郡東南起宮苑周
 圍十二里內為十六離宮大抵倣東都西苑之制而
 奇麗毘陵春秋吳延陵季子之邑秦置會稽郡
 過之集覽延陵屬焉漢改延陵為毘陵晉置毘陵郡
 隋改質實一統志云毘陵古邑名秦為會稽郡地漢
 常州質實因之東漢永建中分屬吳郡三國吳分無
 錫以西為屯田置典農校尉晉太原初省校尉分吳
 郡置毘陵郡東晉初改為晉陵郡徙治京口後還治
 晉陵縣宋齊梁陳皆因之隋開皇中廢郡置常州大
 業初改為毘陵郡唐武德初復改為常州天寶初又

改為晉陵郡乾元初復為常州五代時屬楊吳及南唐仍改為常州屬浙西路元陞為常州路隸江浙行省本朝初改為常州府直隸京師毘陵宮注見大業元年離宮

三月宴羣臣於西苑

上已帝與羣臣飲於西苑水上命學士采古水事七十二以木為之間以妓航酒船人物自動能成音曲發明孟子曰不仁者可與言哉安其危而利其菑樂其所以亡者不仁而可與言則何亡國敗家之有隋煬至此滅亡無日方且更造龍舟作毘陵宮今又宴遊西苑沉湎不已雖天醜其惡將欲殪之然煬之所以自速其亡者亦太甚矣綱目悉書於冊觀者可不鑒哉

張金稱擊破平恩等郡考異

郡當作縣

金稱比諸賊尤殘質實子遺注見齊主昭業隆昌元
暴所過民無孑遺年平恩縣名注見梁武帝天

監十
五年

夏四月大業殿火

大業殿西院火帝以為盜起驚走匿草間火定乃還
帝自八年以後每夜眠中恒驚悸云有賊令數婦人
搖撫乃得眠

魏刀兒將甄翟兒攻太原將軍潘長文戰死○五月朔

日食既質實

日食既注見
漢惠帝七年

書法

食既大變也間一歲而隋亡矣綱目書食既
十有二無不有應者詳漢惠帝七年免者其

惟漢明
帝乎

除納言蘇威名

帝問侍臣盜賊翊衛大將軍宇文述曰漸少納言蘇威引身隱柱帝呼問之對曰臣非所司不喻多少但患漸近帝曰何謂也威曰他日賊據長白山今近在汜水且往日租賦丁役今皆何在豈非其人皆化為盜乎比見奏賊皆不實遂使失於支計不時剪除又昔在鴈門許罷征遼今復徵發賊何由息帝不悅屬五月五日百僚多饋珍翫威獨獻尚書或諧之曰尚書有五子之歌威意甚不遜帝益怒頃之帝問威以伐高麗事威欲帝知天下多盜對曰今茲之役願不發兵但赦羣盜自可得數十萬遣之東征高麗可滅帝不懌威出裴蘊奏曰此大不遜天下何處有許多賊帝曰老草多姦以賊脇我欲批其口且復隱忍蘊

知帝意遣河南白衣張行本奏威昔典選濫授人官案驗獄成詔除名為民後月餘復有奏威與突厥陰

圖不軌者蘊處威死威無以自明但推謝

集覽

老草

而已帝憫而釋之遂并其子孫皆除名

棘三國漢彭萊罵昭烈曰老草荒悖注草獸皮也老

草皮色枯瘁之形一說草兵也罵為老草猶老兵也

質實

汜水注見漢王邦四年尚書上古之書即伏生所授者今謂之書經凡五十九篇五子之歌書

傳云五子夏啓之子太康之弟也歌與帝舜作歌之歌同義詳見夏書不軌注見漢靈帝光和五年

秋七月帝如江都命越王侗留守殺諫者任宗崔民象

王愛仁考異

提要命越王侗留守在王愛仁下

江都龍舟成送東都宇文述勸幸江都帝從之將軍趙才諫曰今百姓疲勞府藏空竭盜賊蜂起禁令不

行願陛下還京師安兆庶帝大怒以屬吏旬日出之朝臣皆不欲行無敢諫者建節尉任宗上書極諫即日於朝堂杖殺之遂幸江都命越王侗與光祿大夫段達太府卿元文都民部尚書韋津右武衛將軍皇甫無逸右司郎盧楚等總留後事帝以詩留別宮人曰我夢江都好征遼亦偶然奉信郎崔民象以盜賊充斥於建國門上表諫帝大怒先解其頤然後斬之虞世基以盜賊充斥請發兵屯洛口倉帝曰卿是書生定猶恒怯敕移箕山公路二府於倉內仍令築城以備不虞至汜水奉信郎王愛仁復上表請還西京斬之至梁郡郡人邀駕上書曰陛下若質實皇帝無遂幸江都天下非陛下之有又斬之逸萬年

人盧楚范陽人景祚之孫箕山公路二府未詳其義惟河南府登封縣東南三十里有箕山注見新莽始建國四年又鳳陽府城及盱眙縣境有公路城相傳皆漢末袁術所築此二處未知是否姑錄此以備參

考洛口倉注見大業七年梁郡注見漢景帝三年梁國

書法

殺諫者多矣未有以諫者書書諫者何罪廣且予三子也三子官徵書諫者予之也十年

如東都殺庾質今年如江都殺諫者三人馬自古未有好遊復諫如煬帝者矣若是有不亡乎

發明

煬之必亡豈待殺諫者而後及哉然猶列書之者所以為後世戒耳綱目豈獨為煬設乎

遣光祿大夫陳稜擊李子通等敗之

時李子通據海陵左才相掠淮北杜伏威屯六合衆各數萬帝遣稜將宿衛精兵八千討之往往克捷

質實

六合縣名注見陳宣帝太建五年秦郡

冬十月許公宇文述卒

初述子化及智及皆無賴化及事帝於東宮帝寵昵
之從幸榆林化及智及冒禁與突厥交市帝怒將斬
之既而釋之賜述為奴述卒帝復以化
及為右屯衛將軍智及為將作少監
質實許縣名
光武建武八年長社東宮注見宋文帝元嘉二十七
年突厥北狄國名注見梁武帝大同十一年榆林郡
名注見文帝開
皇十九年勝州

書法

述也卒書爵何著廣私也廣之大逆述有力
焉綱目前以復官爵書此以爵卒廣之微情

著矣是故以爵卒賈充所以著晉氏之
私以爵卒宇文述所以著楊廣之私

翟讓李密起兵攻滎陽張須陁擊之敗死

李密之亡也往依郝孝德孝德不禮之又入王薄薄
亦不之奇也密困乏變姓名聚徒教授郡縣疑而捕

之密亡去抵其妹夫雍丘令丘君明君明轉寄於遊俠王秀才家為君明從姪懷義所告帝令懷義與梁郡通守楊汪捕之汪遣兵圍秀才宅值密出外獲免韋城翟讓為東都法曹坐事當斬獄吏黃君漢竒其驍勇夜謂讓曰天時人事抑亦可知豈能守死獄中乎讓驚喜叩頭君漢即破械出之讓再拜曰讓蒙再生之恩則幸矣奈曹主何因泣下君漢怒曰本以公為大丈夫可救生民之命故不顧其死以奉脫奈何反效兒女子涕泣相謝乎君但努力自勉勿憂吾也讓遂亡命於瓦崗為羣盜同郡單雄信驍健善馬槊聚少年往從之離狐徐世勣年十七有勇略說讓曰東郡於公與勣皆為鄉里人多相識不宜侵掠滎陽梁郡汴水所經剽行舟商旅足以自資讓然之引眾入二郡界掠公私船資用豐給附者益眾至萬餘人時又有外黃王當仁濟陽王伯當韋城周文舉雍丘李公逸等皆擁眾為盜李密自雍丘亡命往來諸帥

間說以取天下之策始皆不信久之稍以為然相謂曰今人皆云楊氏將滅李氏將興吾聞王者不死斯人再三獲濟豈非其人乎由是漸敬密密察諸帥惟翟讓最強乃因王伯當以見讓為讓畫策往說諸小盜皆下之讓悅密因說讓曰劉項皆起布衣為帝王今主昏於上民怨於下銳兵盡於遼東和親絕於突厥方且巡遊揚越委棄東都此亦劉項奮起之會也

以足下雄才大略士馬精銳席卷二京誅滅暴虐隋氏不足亡也讓謝曰吾儕羣盜偷生草間君言非所及也有李玄英者自東都逃來經歷諸賊求訪李密云斯人當代隋人問其故玄英言比來民間謠歌曰桃李子皇后繞揚州宛轉花園裏莫浪語誰道許桃李子謂逃亡者李氏之子也莫浪語誰道許密也既與密遇遂委身事之前宋城尉房彥藻自負其才恨不為時用預於楊玄感之謀變姓名亡命遇密遂與俱遊漢沔徧入諸賊說其豪傑還日從者數百

人仍為遊客處於讓營讓見密為豪傑所歸欲從其計猶豫未決有賈雄者曉陰陽占候言無不用密深結之使託術數以說讓讓果以密言問之對曰吉不可言然公自立恐未必成若立斯人事無不濟讓然之密因說讓曰今四海糜沸不得耕耘公士眾雖多食無倉廩惟資野掠常苦不給若曠日持久加以大敵臨之必渙然離散未若先取滎陽休兵館穀待士馬肥充然後與人爭利讓從之於是攻滎陽諸縣多下之帝徒張須陁為滎陽通守以討之讓彘數為須陁所敗聞其來大懼將避之密曰須陁勇而無謀兵又驟勝既驕且狠可一戰擒也分兵千餘人伏林間須陁方陳而前讓與戰不利須陁乘之逐北十餘里密發伏掩之須陁兵敗密與讓及徐世勣王伯當合軍圍之須陁戰死部兵號泣數日不止河南郡縣為之喪氣詔以裴仁基代領其眾徙鎮虎牢讓乃令密建牙別統所部號蒲山公營密部分嚴整躬服儉素

所得金寶悉頒賜麾下由是人為之用然麾下多為讓士卒所陵辱亦不敢報也讓謂密曰今資糧粗足意欲還向瓦崗公若不往惟公所適讓從此別矣乃帥輜重東引密亦西行至康城說下數城大獲資儲讓尋悔之復集覽離狐括地志云離狐故城在曹州引兵從密王者不死王去聲大元經曰五行

用事者王言其人有王氣未必能殺之也斯人再三獲濟斯人謂李密也初楊玄感兵敗密被執以計亡去聚徒教授郡縣捕之又亡抵王秀才家帝令捕之值出獲免凡再三皆不得死館穀因其軍之館食其軍之穀也左傳僖二十八年楚師敗績晉師三日館穀注館舍也食楚軍之穀三日建牙注見漢獻帝初平三年王者不死今正誤按王如字質實帝延熹四年游汝注

牙門見漢帝立更始二年任俠一統志云章城縣名隋初所置屬東郡本殷伯豕韋氏之國金省入白馬縣故

址在大名府滑縣東南五十里離狐漢之縣名屬濟陽郡隋因之唐改為南華縣屬曹州金省之故城在兗州府曹縣界內徐世勣唐武德初賜姓李氏附宗正籍屬東郡注見漢光武建武八年汴水源自開封府界急流過蕭縣至徐州城東北與泗水通蘇軾詩汴泗交流處清潭百丈深外黃縣名注見漢靈帝建寧二年濟陽縣名注見漢元帝永光四年劉項謂劉邦項羽揚越二州名揚注見漢武帝元朔五年淮南越注見漢和帝永元元年會稽宋城縣名注見漢後主延熙十八年漢沔二水名注見漢獻帝建安十二年猶豫注見漢光武建武六年通守官名漢謂之別駕隋謂之治中唐謂之通守又謂之贊治宋謂之通判今因之云遂北注見周赧王三十一年虎牢縣名注見晉帝奕太和四年麾下注見漢獻帝建安十四年瓦崗未詳處所

康城未詳沿革

十二月鄱陽林士弘稱楚帝據江南

鄱陽賊帥操師乞自稱元興王攻陷豫章郡以其鄉人林士弘為大將軍詔治書侍御史劉子翊將兵討殺之士弘代統其眾與子翊戰殺子翊兵遂大振至十餘萬人自稱皇帝國號楚建元太平豪傑爭殺隋守令以郡縣應之北自九江南及番禺皆為所有

質實

鄱陽郡名注見梁武帝太清二年豫章郡

注見漢武帝元鼎五年劉子翊彭城人九江郡名注見晉明帝太寧二年潯陽番禺縣名注見漢高帝十一年

以李淵為太原留守擊甄翟兒破之

詔以李淵為太原留守以郎將王威高君雅為之副將兵討甄翟兒過於雀鼠谷淵眾纔數千賊圍數匝

李世民將精兵救之拔淵於萬

衆之中會步兵至合擊大破之

固按西河今太

原府汾州是

中北巡并州

嘗經此處

蔡王智積卒

帝疎薄骨肉智積每不自安及病不呼醫臨終

謂所親曰吾今日始知得保首領沒於地矣

得保首領沒於地矣首領項也左傳隱三年宋穆

公疾召孔父曰寡人得保首領以沒云云謂我得保

全首領而

善終也

太僕楊義臣擊張金稱高士達斬之竇建德收其衆取

饒陽詔罷義臣兵

羣盜寇掠河北屠陷郡縣隋將帥敗亡相繼惟虎賁中郎將王辯清河郡丞楊善會數有功善會前後七百餘戰未嘗負敗至是太僕楊義臣討張金稱義臣引兵據永濟渠為營去金稱營四十里深溝高壘不與戰金稱日引兵至義臣勒兵探甲約與之戰既而不出如是月餘金稱以為怯屢逼其營詈辱之義臣乃謂曰汝明旦來我當必戰金稱易之不復設備義臣簡精騎二千夜自館陶濟河伺金稱離營即入擊其累重金稱引還義臣從後擊之金稱大敗與左右逃於清河之東月餘楊善會擒殺之詔以善會為清河通守時涿郡通守郭絢將兵討高士達士達自以才略不及竇建德乃進建德為軍司馬悉以兵授之建德請士達守輜重自簡精兵拒絢詐為與士達有隙而叛遣人請降於絢願為前驅自效絢引兵隨之

至長河建德襲之殺數千人斬絢首張金稱餘衆皆歸建德楊義臣乘勝欲討之建德謂士達曰歷觀隋將善用兵者無如義臣今滅張金稱而來其鋒不可當請引兵避之使其欲戰不得坐費歲月將士疲倦然後乘間擊之乃可破也不然恐非公之敵士達不從留建德守營自帥精兵逆擊義臣戰小勝因縱酒高宴建德聞之曰東海公未能破敵遽自矜大禍至不久矣後五日義臣大破士達斬之其兵皆潰建德與百餘騎亡去至饒陽乘其無備攻陷之收兵得三千餘人義臣以為建德不足憂引去建德還平原收散兵葬死者為士達發喪軍復大振自稱將軍先是羣盜得隋官及士族子弟皆殺之獨建德善遇之由是隋官稍以城降之聲勢日盛勝兵至十餘萬人內史郎虞世基以帝惡聞盜賊諸將有告敗求救者皆不以聞或杖其使者以為妄言由是盜賊徧海內帝皆弗之知楊義臣破降河北賊數十萬列狀上聞帝

歎曰我初不聞賊頓如此義臣降賊何多也世基對曰小竊雖多未足為慮義臣克之擁兵不少久在閩外此最非宜帝曰卿言是也遽追義臣放散其兵賊由是復盛治書侍御史韋雲起劾奏世基及御史大夫裴蘊職典樞要四方告變不為奏聞賊多言少致發兵不多往皆不克故使官軍失利賊黨日滋請付有司詰正其罪大理卿鄭善果

集覽

累重累謂妻子奏雲起言不實左遷大理司直重謂輜重也

質寶

清河郡注見漢安帝建光元年甘陵楊善會華陰人館陶縣名注見晉孝武帝太元九年長沙

郡名注見漢獻帝興平元年饒陽縣名注見漢帝立更始二年涿郡注同上年虎賁中郎注見新莽地皇二年永濟渠注見大業三年平原郡名注見陳宣帝太建八年安德東海郡名注見秦二世二年郟左遷注見唐憲宗元和七年輜重注見周顯王三十六年

帝至江都

帝至江都江淮郡官謁見者專問禮餉豐薄豐則起
遷薄則停解江都郡丞王世充獻銅鏡屏風遷通守
歷陽郡丞趙元楷獻異味遷江都郡丞由是郡縣競
務刻剝以充貢獻民外為盜賊所掠內為郡縣所賦
生計無遺加之饑饉民始采樹皮葉或擣藁煮土而
食之諸物皆盡乃自相食而官倉猶充牧吏皆畏法
莫敢賑救王世充密為帝簡閱江質實歷陽郡注見
淮民間美女獻之由是益有寵
元年饑饉朱子曰穀不熟曰饑菜不
熟曰饉充叔注見宋明帝泰始元年

遣江都通守王世充擊河間格謙斬之謙黨高開道收
其衆掠燕地

謙擁衆十餘萬據豆子酃自稱燕王帝命王世充將兵討斬之謙將高開道收餘衆寇掠燕地軍勢復振

質實

河間郡名注見漢帝立更始二年寇掠注見恭帝皇泰二年抄掠

虎賁郎將羅藝起兵涿郡

初帝謀伐高麗械器資儲皆積於涿郡又臨朔宮多珍寶諸賊競來侵掠留守官不能拒惟虎賁郎將羅藝獨出戰前後破賊甚衆將作亂先宣言以激其衆曰吾輩討賊數有功城中倉庫山積制在留守之官而莫肯散施以濟貧乏將何以勸將士衆皆憤怨軍還郡丞出城候藝藝因執之陳兵而入發庫物以賜戰士開倉廩以賑貧乏境內咸悅殺渤海太守唐禕等數人柳城懷遠並歸之藝自稱幽州總管改柳城郡為營州以質實渤海郡名注見晉穆帝永和六年鄧暉為總管質實滄州柳城縣名注見漢獻帝建安

十二年幽州注見唐高祖武德四年營州注
見晉武帝太康三年懷遠鎮名未詳處所

詔李淵擊突厥

突厥數寇北邊詔李淵與馬邑太守王仁恭擊之時
突厥方強兩軍不滿五千淵選善騎射者二千人使
之飲食舍止一如突厥或與突
厥遇則伺便擊之前後屢捷
質實馬邑郡名注見
漢高帝六年突

厥北狄種名注見梁
武帝大同十一年

丁丑十三年

恭帝脩義寧元年○長樂王竇建德丁丑元
魏公李密元定揚可汗劉武周天興元梁王

梁師都永隆元秦主薛舉秦興元梁
王蕭銑鳴鳳元○是歲并楚凡八國

春正月陳稜討杜

伏威敗績伏威遂據歷陽考異

按九年書張須陁擊王
薄來護兒等擊楊玄感

十二年書陳稜擊李子通李淵擊甄翟兒此年書王世充擊盧明月並不書討以羣盜自相攻擊故也此書討誤傳

稜討杜伏威伏威帥衆拒之稜閉壁不戰伏威遺以婦人之服謂之陳姥稜怒出戰伏威奮擊大破之乘勝破高郵引兵據歷陽自稱總管以輔公祐為長史分遣諸將徇屬縣所至輒下江淮間小盜爭附之伏威常選敢死之士五千人謂之上募寵遇甚厚有攻戰令先擊之戰罷閱視有傷在背者即殺之所獲資財皆以賞軍士有戰死者以妻**集覽**徇葬注見唐太

年**質實**

一統志云高郵古邑名春秋時為吳邗溝地秦為高郵亭漢置高郵縣屬廣陵國晉屬臨

淮郡宋屬廣陵郡隋屬江都郡唐屬揚州宋開寶中以縣置高郵軍後罷軍縣屬揚州元祐中復置軍建

突中陞為承州紹興末復為軍元至元中置高郵路
後改為府屬揚州路本朝初改為州以縣省入仍屬
揚州府歷陽縣名注
見漢冲帝永嘉元年

竇建德稱長樂王質實

長樂郡名注見秦二世二年信都

○魯郡徐圓

朗兵起

圓朗攻陷東平分兵略地自琅邪以質實魯郡注見
西北至東平盡有之勝兵二萬餘人漢景帝三
年濟南東平郡名注見漢獻帝興平元
年琅邪郡名注見漢光武建武五年

盧明月掠河南遣王世充擊斬之

明月轉掠河南至於淮北眾號四十萬帝命王質實
世充討之戰於南陽大破之斬明月餘眾皆散

盧明月涿郡人南陽縣名

注見周報王十七年宛

二月馬邑校尉劉武周朔方郎將梁師都各據郡起兵

馬邑太守王仁恭多受貨賂不能賑施郡人劉武周
驍勇喜任俠為鷹揚府校尉仁恭甚親厚之令帥親
兵屯閣下武周與仁恭侍兒私通恐事泄謀亂先宣
言曰今百姓饑饉僵屍滿道王府君閉倉不賑郵豈
為民父母之意乎眾皆憤怒武周稱疾卧家豪傑來
候問武周椎牛縱酒因大言曰壯士豈能坐待溝壑
今倉粟爛積誰能與我共取之豪傑皆許諾武周入
謂仁恭其黨隨入斬仁恭持其首出狗郡中無敢動
者於是開倉以賑饑民馳檄境內收兵得萬餘質實
人遣使附於突厥師都亦殺郡丞據郡附突厥
任俠注見漢帝立更始元年馳檄
馳奔走也檄注見楚義帝元年

翟讓李密據興洛倉擊敗東都兵讓推密稱魏公略取

河南諸郡

李密說翟讓曰今東都空虛越王冲幼政令不一士
民離心段達元文都闇而無謀以僕料之彼非將軍
之敵若將軍能用僕計天下可指麾而定也乃遣其
黨覘東都虛實留守官司覺之始為守備馳告江都
密曰事勢如此不可不發今百姓饑饉洛口倉多積
粟將軍若親行掩襲彼未能救取之如拾遺耳發粟
以賑窮之遠近孰不歸附百萬之衆一朝可集枕威
養銳以逸待勞縱彼能來吾有備矣然後檄召四方
引賢豪而資計策選驍悍而授兵柄除隋之社稷
布將軍之政令豈不盛哉讓曰此英雄之略非僕所
堪惟君之命盡力從事於是密讓將精兵七千人出
陽城襲興洛倉開倉恣民所取老弱襁負相屬時德

叡以尉氏應密祖君彥往歸之君彥珽之子也博學
強記文辭瞻敏薛道衡嘗薦之於高祖高祖曰是歌
殺斛律明月人兒邪朕不須此輩帝即位尤疾其名
調宿城令君彥恒鬱鬱思亂密得之喜引為上客越
王侗遣郎將劉長恭帥步騎二萬五千討密而使河
南討捕使裴仁基等自汜水西入以掩其後時東都
人皆以密為饑賊盜米烏合易破爭來應募衣服鮮
華旗鼓甚盛陳於石子河西密讓選驍雄分為十隊
令四隊伏嶺下以待仁基以六隊陳於石子河東長
恭等見密兵少輕之讓先接戰不利密帥麾下橫衝
之隋兵大敗死者什五六密讓威聲大振讓於是推
密為主號魏公稱元年其文書行下稱行軍元帥府
拜讓司徒單雄信徐世勣為大將軍各領所部房彥
藻邴元真為長史祖君彥為記室於是趙魏以南江
淮以北羣盜莫不響應悉拜官爵使各領其眾置百
營簿以領之眾至數十萬乃廣築洛口城周四十里

而居之遣彥藻將兵東略地取安陸

集覽

歌殺斛律

汝南淮安濟陽河南郡縣多陷於密

北齊丞相斛律光字明月北周患之為謠言曰高山

不推自崩榘木不扶自舉令間謀傳言於齊齊祖珽

欲陷光因續之曰盲老公背受大斧饒舌老母不得

語齊主遂執光而殺之是祖珽歌殺之也君彥珽之

子也

質實

一統志云陽城古邑名禹避舜子於陽城

故云

省崇高縣入陽城晉屬河南郡東魏析置埋陽縣改

曰武林後又改曰嵩陽與陽城並屬河南郡隋因之

唐初屬嵩州尋改陽城曰告成嵩陽曰登封後又改

告成曰陽邑五代周時省陽邑入登封宋金元仍舊

本朝因之改屬河南府襁負注見漢瑒帝延平元年

尉氏縣名注見漢桓帝建和元年祖君彥范陽人宿

城古邑名秦為須昌縣漢晉因之隋改宿城縣又別

置須昌五代唐改曰須城自晉以來皆為郡附郭本

朝省之故址在兗州府東平州境魏縣名注見漢成
帝綏和二年記室官名事物紀原云魏太祖所置以
陳琳阮瑀為記室掾其官始見於魏武之世矣宋用
晉制自明帝後皇子弟雖非都督亦置記室參軍則
記室而為參軍晉官也宋朝亦置於諸王府曰某王
府記室也洛口城在河南府鞏縣西南安陸郡名注
見周世宗顯德五年汝南郡名注見漢光武建武十
九年淮安郡名注見齊武帝永明五年濟陽郡名注
見漢元帝永光四年河南郡
名注見秦莊襄王元年三川

三月突厥立劉武周為定楊可汗取樓煩定襄鴈門諸

郡

武周襲破樓煩郡進取汾陽宮獲隋宮人以賂突厥
始畢可汗始畢以馬報之兵勢益振又攻陷定襄突

厥立武周為定楊可汗遺以狼頭蠱武周即皇帝位
改元以衛士楊伏念為左僕射妹婿苑君璋為內史
令引兵逼鴈門郡丞陳孝意悉力拒守乘間出擊武
周屢破之既而外無救援遣間使詣江都皆不報孝
意誓以必死旦暮向詔敕庫俯伏流涕悲動
左右百餘日食盡校尉張倫殺孝意以降
蠱注見陳宣帝
太建十三年
質實
樓煩郡注見周赧王八年定襄
楊可汗定楊郡名注見陳宣帝太建十一年
可汗夷狄君長之號注見漢後主景耀四年

梁師都取雕陰弘化延安等郡自稱梁帝引突厥寇邊

師都略定雕陰弘化延安等郡遂即皇帝位國號梁
始畢遺以狼頭蠱號為大度毘伽可汗師都乃引突
厥居河南之地
質實
雕陰郡名注見周顯王三十五年
攻破鹽川郡
年弘化郡名注同上四十一年

義渠延安郡名注見梁武帝普通六年鹽川郡未詳
沿革惟鞏昌府漳縣西南五里有鹽川寨乃趙宋所
置後改為鎮未知
是否明者察之

流人郭子和起兵榆林突厥以為屋利設

翊衛郭子和坐事徙榆林會郡中大饑子和潛結敢
死士十八人執郡丞數以不恤百姓斬之開倉賑施
自稱永樂王有二千餘騎南連梁師都北附突厥始
畢以劉武周為定楊天子梁師都為解事天子子和
為平陽天子子和固辭不
敢當乃更以為屋利設
乃一設質實榆林郡名注見文帝開皇十九年勝一
之號統志云永樂本漢北平縣地名屬中山
國後魏析置永樂縣及置樂浪郡北齊屬黎郡隋初
罷郡以縣屬易州唐天寶初改為滿城縣五代晉時

集覽

屋利設突厥俗謂別部典兵者曰設屋利

徙秦州治此後省入清苑縣金復析置滿城縣元仍舊本朝初因之改屬保定府

夏四月金城校尉薛舉起兵隴西自稱西秦霸王

舉驍勇絕倫家貲巨萬交結豪傑雄於西邊為金城府校尉時隴右盜起金城令郝瑗募兵得數千人使舉將而討之方授甲置酒饗士舉與其子仁杲及同黨十三人於座劫瑗發兵開倉賑施自稱西秦霸王招集羣盜掠官牧馬賊帥宗羅暉帥眾歸之選精銳克枹罕岷山羌酋鍾利俗擁眾二萬歸之舉兵大振以仁杲為齊王領東道行軍元帥少子仁越為晉王兼河州刺史羅暉為興王以副仁杲未幾盡得隴西之地眾至質實金城郡名注見唐太宗貞觀十八年十三萬蘭州隴西郡名注見漢後主建興六年年南安枹罕縣名注見晉穆帝永和元年一統志云岷山在陝西岷州衛城北山黑無樹木洮水經其下

相傳夏禹見長人受黑玉書於此齊州名注見漢景
帝三年濟南晉州名注見漢獻帝建安七年河東河
州注見晉穆帝永和元年興
州名注見晉懷帝永嘉四年

河南討捕使裴仁基以虎牢降李密密攻東都入其郭

李密以孟讓為總管使夜帥步騎入東都外郭燒掠
於是東都居民悉遷入宮城鞏縣長柴孝和監察御
史鄭頊以城降李密密以孝和為護軍頊為長史裴
仁基每破賊得軍資悉以賞士卒監軍御史蕭懷靜
不許屢求仁基長短劾奏之倉城之戰仁基失期不
至恐獲罪李密使人說之賈閏甫勸仁基降密仁基
曰如蕭御史何閏甫曰蕭君如栖上鷄若不知機變
在明公一刀耳仁基從之遣閏甫詣密請降密大喜
以閏甫為參軍使之復命仁基還屯虎牢蕭懷靜密
表其事仁基知之遂殺懷靜帥其眾以虎牢降密密

以仁基為上柱國仁基子行儼驍勇善戰密亦以為
上柱國密得秦叔寶及程咬金皆以為驍騎咬金後
更名知節羅士信趙仁基皆帥眾歸密密署為總管
使各統所部遣裴仁基孟讓帥二萬餘人襲回洛東
倉破之遂燒天津橋縱兵大掠東都出兵擊之仁基
等敗走密自帥眾屯回洛倉攻偃師金墉皆不克還
洛口東都城內乏糧而布帛山積至然布以爨越王
侗使人運回洛倉米入城遣兵屯豐都市上春門北
邙山為九營以備密汝陰淮陽降密密復據回洛倉
段達等出兵拒之敗走密遂移檄郡縣數帝十罪且
曰罄南山之竹書罪無窮決東海之波流惡難盡祖
君彥之辭也越王侗遣太常丞元善達間行詣江都
奏曰李密圍逼東都城內無食若陛下速還烏合必
散不然者東都決沒因歔歔鳴咽帝為之改容虞世
基進曰越王年少此輩誑之若如所言善達何緣來
至帝乃怒曰善達小人敢廷辱我因使向東陽催運

善達遂為羣盜所殺是後人莫敢以賊聞世基容貌
沈審言多合意特為帝所親愛驚官賣獄其門如市
朝野共疾怨之舍人封德彝託附世基以世基不閑
吏務密為指畫諂順帝意表疏忤旨者皆屏而不奏
鞫獄多峻文深詆行賞則抑削就薄故世

集覽

題他

基之寵日隆而隋政益壞皆德彝所為也
馮五巧反峻文深詆注
質實

鞏縣注見漢王邦三年
程馮金濟州東阿人一

統志云天津橋在河南府城外西南架洛水隋煬帝
建用大船連以鐵鎖南北夾起四樓唐貞觀中始甃
石為岍即宋郃雍聞杜鵑處偃師縣名注見唐肅宗
至德二載金墉城名注見魏元帝咸熙二年北邙山
注見漢靈帝中平六年汝陰郡名注見梁武帝天監
三年潁川淮陽郡名注見周赧王三十七年陳國
欽注見漢光武建武元年東陽郡名注見晉哀帝興
寧三年回洛東倉未詳處所江都縣名注見漢獻帝

興平
元年

五月李淵起兵太原殺副留守王威高君雅

初淵娶於神武肅公竇毅生四男建成世民玄霸元
吉一女適太子千牛備身臨汾柴紹世民聰明勇決
識量過人見隋室方亂陰有安天下之志傾身下士
散財結客咸得其歡心娶長孫晟女晟族弟右勳衛
順德與右勳侍劉弘基皆避遼東之役亡命晉陽與
世民善左親衛竇琮亦亡命太原素與世民有隙世
民加意待之琮意乃安晉陽官監裴寂晉陽令劉文
靜相與同宿見城上烽火寂歎曰貧賤如此復逢亂
離何以自存文靜笑曰時事可知吾二人相得何憂
貧賤文靜見李世民而異之深自結納謂寂曰此人
雖少命世才也寂初未然之文靜坐與李密連昏繫
獄世民就省之文靜曰天下大亂非高光之才不能

定也世民曰安知其無但人不識耳我來相省非兒
女之情欲與君議大事也計將安出文靜曰今主上
南巡江淮李密圍逼東都羣盜殆以萬數當此之際
有真主驅駕而用之取天下如反掌耳太原百姓皆
避盜入城文靜為令數年知其豪傑一旦收集可得
十萬人尊公所將之兵復且數萬一言出口誰敢不
從以此乘虛入關號令天下不過半年帝業成矣世
民笑曰君言正合我意乃陰部署賓客淵不之知也
世民恐淵不從久不敢言淵與裴寂有舊每相與宴
語或連日夜文靜欲因寂關說乃引寂與世民交世
民出私錢數百萬與寂博稍以輸之寂大喜由是款
狎世民乃以其謀告之寂許諾會突厥寇馬邑淵遣
高君雅將兵與王仁恭拒之不利恐并獲罪甚憂之
世民乘間屏人說淵曰今主上無道百姓困窮晉陽
城外皆為戰場大人若守小節下有寇盜上有嚴刑
危亡無日不若順民心興義兵轉禍為福此天授之

時也淵大驚曰汝安得為此言吾今執汝以告縣官
世民徐曰世民親天時人事如此故敢發言必欲執
告不敢辭死淵曰吾豈忍告汝汝慎勿出口明日世
民復說淵曰人皆傳李氏當應圖讖故李金才無罪
一朝族滅大人設能盡賊則功高不賞身益危矣惟
昨日之言可以救禍此萬全之策也願大人勿疑淵
乃歎曰吾一夕思汝言亦大有理今日破家亡軀亦
由汝化家為國亦由汝矣先是裴寂私以晉陽宮人
侍淵至是淵從寂飲酒酣寂從容言曰二郎陰養士
馬欲舉大事正為寂以宮人侍公恐事覺并誅耳衆
情已協公意如何淵曰事已如此當復奈何正須從
之耳帝以淵與王仁恭不能禦寇遣使者執詣江都
淵大懼世民與寂等復說淵曰事已迫矣宜早定計
且晉陽士馬精彊宮監蓄積巨萬代王幼冲關中豪
傑並起公若鼓行而西撫而有之如探囊中之物耳
柰何受單使之囚坐取夷滅乎淵然之密部勒將發

會帝遣使馳驛赦淵及仁恭淵謀亦緩大理司直夏侯端謂淵曰今帝座不安參墟得歲必有真人起於其分非公而誰乎司馬許世緒司鎧武士獲前勳衛唐憲憲弟儉皆勸淵舉兵時建成元吉尚在河東故淵遷延未發劉文靜謂裴寂曰先發制人後發制於人且公為宮監而以宮人侍客公死可爾何誤唐公也寂甚懼屢趣淵起兵淵乃使文靜詐為敕書發太原西河雁門馬邑民年二十已上為兵擊高麗由是人情凶凶思亂者衆及劉武周據汾陽宮世民言於淵曰大人為留守而盜賊竊據離宮不早建大計禍今至矣淵乃集將佐謂之曰武周據汾陽宮吾輩罪當族滅若之何王威等皆懼請計淵曰朝廷用兵皆稟節度今賊在數百里內江都在三千里外加以道路險要復有他賊據之以嬰城膠柱之兵當巨猾豕突之勢必不全矣進退維谷何為而可威等皆曰公地兼親賢同國休戚要在平賊專之可也淵陽若不

得已而從之者曰然則先當集兵乃命世民與劉文
靜長孫順德劉弘基等各募兵遠近赴集旬日間近
萬人仍密遣使召建成元吉於河東柴紹於長安王
威高君雅見兵大集疑淵有異志謂武士彠曰順德
弘基皆背征三侍安得將兵欲收按之士彠曰二人
皆唐公客若爾必大致紛紜威等乃止威君雅欲因
晉祠祈雨討淵五月淵使世民伏兵於晉陽宮城之
外且與威君雅共坐視事使劉文静引晉陽府司馬
劉政會入告威君雅潛引突厥入寇君雅攘袂大詬
世民已布兵塞路文静因與弘基順德等共執威君
雅繫獄會突厥數萬眾寇晉陽淵命裴寂等勒兵為
備而悉開諸城門突厥不敢進眾以為威君雅實召
之也於是斬威君雅

集覽

適太子千牛備身臨汾
紇適下嫁也爾雅曰如適

之嫁汪方言自家而出謂之適猶女出為嫁也千牛
備身東宮官名掌執御刀以宿衛蓋取庖丁為文惠

君解數十牛而刃若發硯此刀可以備身因以名官
煬帝改左右備身為左右驍衛其所領名豹騎紫紹

宇嗣昌晉州臨汾縣人二郎李淵次子名世民帝座

紫微大帝之座也注見漢桓帝延熹二年參墟得歲

天官書參晨出曰長列昭昭有光利行兵正義曰星

經云參魏之分野益州也晉天文志參十星一名參

伐主斬刈事參墟得歲謂歲星在參分也又越得歲

注見晉帝奕太和五年士纘覆鬱縛反以宮人侍容

寂嘗以晉陽宮人私侍李淵進退維谷詩柔柔篇文

注云谷窮也箋云前無明君却迫罪役是以進退皆

窮也**正誤**背征三侍今按背征謂出征而背叛逃亡者

也**三侍**謂三侍中之人也隋制左右翊衛府有

親勳武三衛大業初改為**質實**神武縣名注見宋明

三侍親侍勳侍武侍也帝泰始五年平齊一

統志云臨汾漢之縣名屬河東郡三國魏置平陽郡

縣屬焉後魏兼置晉州於此隋改曰臨汾縣為平河

郡治所後改郡曰臨汾唐分置西河縣尋省入臨汾
屬晉州宋金元俱仍舊本朝因之為平陽府治所仍
屬焉晉陽縣名注見周威烈王二十三年太原郡名
注見齊明帝建武三年并州晉陽宮注見梁武帝大
同十一年裴寂蒲州桑泉人劉文靜京兆萬年人高
光謂漢高帝光武博奕棊也注見晉明帝太寧三年
捕博圖讖注見漢平帝元始三年夏侯端壽州人許
世緒并州人武士彠并州文水人唐憲并州晉陽人
河東郡名注見漢獻帝建安七年西河郡名注見周
威烈王二十三年鴈門郡名注見秦王政三年離宮
注見大業元年膠柱注見梁武帝太清元
年劉政會滑州胙人長孫順德洛陽人

發明

唐公以義起兵大非羣盜之比而綱目一概
書之何耶公儻能正名仗義若湯之伐桀若

武之伐紂若沛公之誅無道秦則綱目亦必有以
處此矣惜乎兵以義名乃止於尊隋而不能為討

賊之舉君子雖欲異之不可得也况又
淫汙宮掖設詐周衆殺人以利己者乎

東都遣兵擊李密大破之密退屯洛口

帝命將軍龐玉郎將霍世舉將關內兵援東都柴孝
和說李密曰秦地山川之固秦漢所憑以成王業者
也今不若使翟司徒守洛口裴柱國守回洛明公自
簡精銳西襲長安然後東向以平河洛傳檄而天下
定矣不早為之必有先我者悔之無及密曰此誠上
策但昏主尚存從兵猶衆我兵皆山東人誰肯從我
西入諸將出於羣盜留之各競雌雄如此則大業隳
矣孝和曰然則僕請間行觀釁密許之孝和與數十
騎至陝縣山賊歸之者萬餘人會密為流矢所中卧
營中越王侗使段達與龐玉等夜出兵與戰大破之
密乃棄回洛奔洛口孝和衆散輕騎質實一統志云
歸密密以鄭顛鄭乾象為左右司馬

在河南府城東一百三十里鞏縣西隋煬帝聚米置倉於此號曰洛口倉河洛二水名河注見梁武帝天監十五年洛注見漢高后三年

陝縣注見周顯王四十五年

六月李淵遣使如突厥

李建成李元吉棄其弟智雲於河東而去吏執送長安殺之六月建成元吉與弒紹偕至晉陽劉文静勸李淵與突厥相結資其士馬以益兵勢淵從之自為手啓卑辭厚禮遺始畢可汗云欲舉義兵迎主上復與突厥和親若能與我俱南願勿暴掠百姓若但和親坐受寶貨亦惟可汗所擇始畢得啓謂其大臣曰隋主為人我所知也若迎以來必害唐公而擊我無疑矣苟唐公自為天子我當以兵馬助之即命以此意為復書使者七日而反將佐皆喜請從突厥之言淵不可曰諸君宜更思其次寂等乃請尊天子為太

上皇立代王為帝以安隋室移檄郡縣改易旗幟雜用絳白以示突厥淵曰此可謂掩耳盜鈴然逼於時事不得不爾乃許之

質實

晉陽縣名注見周威烈王二十三年

李淵遣世子建成及世民擊西河郡拔之斬郡丞高德

儒

西河郡不從淵命淵使建成世民將兵擊之時軍士新集咸未閱習建成世民與之同甘苦遇敵則以身先之近道菜果非買不食軍士有竊之者輒求其主償之亦不詰竊者兵民皆悅至西河城下郡丞高德儒閉城拒守攻拔之執德儒至軍門世民數之曰汝指野鳥為鸞以欺人主取高官吾與義兵正為誅佞人耳遂斬之自餘不戮一人秋毫無犯各慰撫使復業遠近聞之大悅建成等引兵還晉陽往返凡九日

淵喜曰以此行兵雖橫行天下可也遂定入關之計

李淵自稱大將軍開府置官屬

淵開倉以賑貧民應募者日益多淵命為三軍分左右通謂之義士裴寂等上淵號為大將軍淵以寂為長史劉文静為司馬唐儉溫大雅為記室大雅仍以弟大有共掌機密武士彠為鎧曹劉政會及崔善為張道源為戶曹姜暮為司功參軍殷開山為府掾長孫順德劉弘基竇琮王長諧姜寶誼陽屯為左右統軍自餘文武隨才授任以世子建成為隴西公左領軍大都督左三統軍隸馬世民為敦煌公右領軍大都督右三統軍隸馬各置官屬

集覽 陽屯姓質實唐

晉陽人溫大雅太原祁人殷開山京兆鄠人崔善為并州人張道源汲人敦煌郡名注見漢武帝元朔三

年隴西郡名注
見秦王政三年

李密復取回洛倉

李密復帥眾向東都大戰於平樂園密左騎右步中
列彊弩鳴千鼓以衝之東都兵大敗密復取回洛倉

質實

平樂園未詳處所東都注
見秦莊襄王元年三川

突厥遣使至太原李淵遣劉文静報之

突厥遣其柱國康鞘利等送馬千匹詣李淵為互市
許發兵送淵入關淵拜受書擇其馬之善者止市其
半義士請以私錢市其餘淵曰虜饒馬而貪利其來
將不已恐汝不能市也吾所以少取者示貧且不以
為急故爾當為汝貫之不足為汝費也淵命劉文静
使於突厥以請兵私謂文静曰蕃騎入中國生民之

大靈也吾所以欲得之者恐劉武周引之共為邊患又蕃馬行牧不費芻粟聊欲藉之以為聲勢耳數百

人之外無

集覽

鞘利名也鞘

音肖或音稍

所用之

秋七月李淵引兵至霍邑代王侑遣郎將宋老生將軍屈突通將兵拒之

李淵以子元吉為太原太守留守晉陽宮帥甲士三萬發晉陽誓眾移檄諭以尊立代王之意西突厥阿史那大奈亦帥其眾以從淵至西河慰勞吏民賑贍貧乏民年七十以上皆除散官其餘豪傑隨才授任一日除千餘人至賈胡堡去霍邑五十餘里代王侑遣郎將宋老生帥精兵二萬屯霍邑大將軍屈突通將驍果數萬屯河東以拒淵會積雨淵不能進劉文静至突厥見始畢可汗請兵且與之約曰若入長安

民衆土地入唐公金玉繒帛歸突厥始畢大喜淵以書招李密密自恃兵強欲為盟主復書曰所望左提右挈戮力同心執子嬰於咸陽殪高辛於牧野淵得書笑曰密妄自矜大非折簡可致吾方有事關中若遽絕之乃是更生一敵不如卑辭推獎以驕其志使為我塞成臯之道綴東都之兵我得專意西征俟關中平定據險養威徐觀蚌鷁之勢以收漁人之功未為晚也乃復書曰天生烝民必有司牧當今為牧非子而誰老夫年逾知命願不及此欣戴大弟攀鱗附翼惟弟早膺圖籙以寧兆民宗盟之長屬籍見容復封於唐斯榮足矣密得書甚喜以示將佐曰唐公見推天下不足定矣自是信使往來不絕雨久不止淵軍中糧乏劉文静未返或傳突厥與劉武周乘虛襲晉陽淵欲北還裴寂等亦以為隋兵尚強未易猝下李密姦謀難測武周惟利是視不如還救根本更圖後舉李世民曰今未救被野何憂之糧老生輕蹠一

戰可擒李密顧總倉粟未遑遠略武周與突厥外雖
相附內實相猜武周雖遠利太原豈可近忘馬邑本
興大義奮不顧身以救蒼生當先入咸陽號令天下
今遇小敵遽已班師恐從義之徒一朝解體還守太
原一城之地為賊耳何以自全建成亦以為然淵不
聽促令引發世民將復入諫會淵已寢不得入號哭
於外聲聞帳中淵召問之世民曰今兵以義動進戰
則克退還則散衆散於前敵乘於後死亡無日何得
不悲淵乃悟曰軍已發奈何世民曰右軍嚴而未發
左軍去亦未遠請自追之淵笑曰吾之成敗皆在爾
惟爾所為世民乃與建成分道夜追左軍復還既而
太原運糧亦至胡氏曰武王伐商數紂之罪則多矣
場皆有之而弑父殺兄則紂之所未有其當討無疑
矣李淵聲其大逆不道之罪而舉兵討之則雖德非
成湯亦無愧於自亳之載世民不必用宮人私侍以
叔父也不必詐為敕書發民以鼓怨也不必稱臣突

厥也不必尊江都而立代王也不必推獎李密以驕
其志也堅守晉陽收召豪傑厚集其衆分擊二京義
聲既震羣盜自下乃遣良將總銳師南指揚州則不
逾旬時罪人斯得天下歸唐其孰能禦之惜乎世民
有安天下之志才足以撥亂而無湯武反身之學劉
文靜智謀之士耳裴寂又出其下故雖乘時舉事不
旋踵成功而用智

集覽

阿史那大奈阿史那突厥三字
字不從木霍邑漢彘縣也後漢改永安縣隋改霍邑

本春秋霍伯國今霍州有霍邑屬平陽執子嬰於咸
陽秦二世兄子公子嬰也立為秦王後沛公入咸陽
子嬰降軹道旁乃以屬吏瑩商辛於牧野瑩於計反
殺死也商帝辛天下謂之紂周武王伐之紂距之牧
野武王斬之徐觀蚌鷸之勢以收漁人之功蚌部項
反蛤也鷸允律反知天將雨鳥也戰國策趙伐燕蘇
代為燕謂趙惠文王曰今者臣來過易水蚌方出曝

而鷓啄其肉蚌合而柑其喙鷓謂蚌曰今日不雨明日不雨必有死鷓蚌鷓不肯相舍漁人得而并擒之今趙且伐燕燕趙久相支以敵大衆臣恐彊秦之為漁父也自亳之載載始也成湯始修德於亳也載質寶一統本作哉書伊訓曰造攻自鳴條朕哉自亳志云霍邑即禹貢岳陽地漢為潁縣屬河東郡東漢改為永安縣魏晉屬平陽郡後魏初省後復置并置永安郡隋初罷郡置汾州又改呂州并改縣曰霍邑以霍山為名大業初州罷以縣屬臨汾郡義寧初置霍山郡唐罷郡置呂州貞觀中州罷以縣屬晉州宋屬平陽府金陞為霍州元仍舊本朝初以霍邑縣省入改屬平陽府折簡注見梁元帝承聖元年關中注見唐玄宗開元十一年京兆成臯縣名注見秦莊襄王元年攀鱗附翼耿純之言事在漢光武建武元年咸陽縣名注見周顯王十九年

武威司馬李軌起兵河西自稱涼王

軌家富任俠薛舉起兵金城軌與同郡曹珍關謹梁碩李贇安修仁等謀曰薛舉必來侵暴郡官庸怯勢不能禦吾輩豈可束手并妻孥為人所虜耶不若相與并力拒之保據河右以待天下之變眾皆以為然欲推一人為主各相讓莫肯當曹珍曰久聞圖讖李氏當王今軌在謀中乃天命也遂相與拜軌奉以為主軌乃令脩仁集諸胡自結民間豪傑共起兵稱河西大涼王置官屬關謹等欲盡殺隋官分其家贄軌曰今興義兵以救生民乃殺人取貨此羣盜耳將何以濟乃止薛舉遣其將常仲興濟河擊軌與軌將李贇戰於昌松仲興舉兵敗沒軌欲繼遣之贇曰力戰獲俘復縱以資敵將焉用之不如盡阮之軌曰天若祚我當擒其主此屬終為我有若其無成留此何益乃縱之未幾攻張掖敦煌西平枹罕皆克之盡有河

西五郡

質實

武威郡名注見唐中宗景龍二年李軌涼州人金城郡名注見唐太宗貞觀十

八年河西郡名注見漢安帝元初二年昌松地名未詳處所西平郡名注見漢宣帝元康四年

薛舉自稱秦帝徙據天水

薛舉稱帝立仁果為太子遣仁果將兵取天水徙都之仁果多力善騎射軍中號萬人敵然性貪而好殺其克天水悉召富人倒懸之以醋灌鼻責其金寶舉每戒之曰汝之才略足以辦事然苛虐無恩終當覆我國質實

薛舉蘭州金城人天水郡名注見漢光武建武元年

涿郡留守薛世雄擊李密實建德龍破之遂圍河間

詔涿郡留守薛世雄將燕地精兵三萬討李密命王世充等諸將皆受節度所過盜賊隨便誅剪世雄行

至河間軍於七里井竇建德士衆惶懼悉拔諸城南
遁聲言還入豆子航世雄以為畏已不復設備建德
謀還襲之其處去世雄營百四十里建德帥敢死士
二百八十人先行令餘衆續發約曰夜至則擊其營
已明則降之未至二里所天欲明建德惶惑議降會
天大霧咫尺不辨建德喜曰天贊我也遂突入其營
擊之士卒大亂世雄遁歸涿郡
質實涿郡注見漢帝
慙恚發病卒建德遂圍河間
閭郡名注見同上
年
七里井未詳處所

八月李淵與宋老生戰斬之遂取霍邑

八月雨霽李淵趣霍邑淵恐宋老生不出建成世民
曰老生勇而無謀以輕騎挑之理無不出脫其固守
則誣以貳於我彼恐為左右所奏安敢不出淵然之
乃與數百騎先至霍邑城東數里以待步兵使建成

世民將數十騎至城下舉鞭拍麾若將圍城之狀且
詔之老生怒引兵三萬分道而出淵使殷開山趨召
後軍後軍至淵欲使軍士先食而戰世民曰時不可
失淵乃與建成陳於城東世民陳於城南淵建成戰
小却世民與軍頭段志玄自南原引兵馳下衝老生
陳出其背老生兵敗投塹劉弘基就斬之僵屍數里
日已暮淵即命登城時無攻具將士肉薄而登遂克
之及行賞軍吏疑奴應募者不得與良人同淵曰矢
石之間不辨貴賤論勲之際何有等差宜並從本勲
授引見霍邑吏民勞賞如西河選其壯丁使從軍關
中軍士欲歸者並授五品散官遣歸或諫以官太濫
淵曰隋氏吝惜勲賞此所以失人心也柰何效之且
收衆以官不**集覽**脫其脫儻或之辭肉薄注
勝於用兵乎見晉安帝義熙十三年
玄臨濫人西河郡名注見周威烈
王二十三年南原地名未詳處所

質實
段志

李淵克臨汾絳郡劉文靜以突厥兵至遂下韓城

李淵入臨汾絳郡通守陳叔達拒守進攻克之叔達
陳高宗之子有才學淵禮而用之至龍門劉文靜康
鞘利以突厥兵五百人馬二千匹來至淵喜其來緩
謂文靜曰吾西行及河突厥始至兵少馬多皆君將
命之功也汾陽薛大鼎說淵請勿攻河東自龍門直
濟河據永豐倉傳檄遠近關中可坐取也淵將從之
諸將請先攻河東河東縣戶曾任瓌說淵曰關中豪
傑皆企踵以待義兵瓌在馮翊積年知其豪傑請往
諭之必從風而靡義師自梁山濟河指韓城逼邠陽
蕭造文吏必望塵請服孫華之徒皆當遠迎然後鼓
行而進直據永豐雖未得長安關中固已定矣淵說
時關內羣盜孫華最彊淵至汾陰以書招之華來見
淵淵慰獎之以任瓌為招慰大使瓌說韓城下之淵
謂王長諧等曰屈突通精兵不少相去五十餘里不

敢來戰足明其衆不為之用然通畏罪不敢不出若
自濟河擊卿等則我進攻河東必不能守若全軍守
城則卿等絕其河梁前扼其喉

集覽

臨汾縣屬晉州
按晉州今平陽

後拊其背彼不走必為擒矣

是括地志云臨汾故城在絳州正平縣東北絳郡注

見漢獻帝建安七年汾陽縣屬太原在汾水之北今

汾州是古西河也梁山注見晉惠帝元康七年韓城

縣屬同州按同州漢馮翊也郃陽郃昌閭反水名應

劭曰郃陽縣漢屬馮翊古葦國也其女太姒為周文

王后詩所謂在郃之陽是也括地志云郃陽故城在

同州河西縣南三十里

質實 陳高宗宣帝廟號高宗
龍門縣名注見文帝仁

壽三年汾陽縣名注見秦王政十五年任瓌合肥人

馮翊郡名注見唐玄宗開元十一年韓城縣名注見

漢光武建武十年一統志云郃陽古葦國地名漢始
置郃陽縣屬左馮翊以在郃水之陽故名後周屬澄

城郡隋屬馮翊郡唐初屬西韓州貞觀中州罷屬同
州五代梁屬河中府唐復舊宋復屬同州以夏陽縣
省入金屬禎州後復屬同州元初屬禎州後仍舊本
朝因之改屬西安府汾陰縣名注見周顯王四十年
書法漢高之篇書北貉燕人致梟騎助漢此其不
遣使如突厥繼書以劉文靜報之此書劉文靜以
突厥兵至雖不直書借兵而借兵之意見矣綱目
於唐事婉而不隱終綱目書外蕃借兵八其例有
五致助入援順辭也徵兵發兵尊辭也遣使以其
兵至敵辭也乞師卑辭也求
救急辭也詳漢高帝四年

九月以江都婦女配將士

驍果在江都者多逃亡帝患之以問裴矩對曰人情
非有匹偶難以久處請聽軍士於此納室帝從之悉

名江都境內寡婦處女集覽處女孟子踰東家墻而

集宮下恣將士所取樓其處子注處子處女

也莊子逍遙遊篇綽約若處子注處子質實江都縣

未嫁之女也謂隱處深室不為物所害名注見

漢獻帝興平元年駘果應

劬曰武猛曰駘殺敵曰果

武陽郡降李密

武陽郡丞元寶藏以郡降李密密以為上柱國寶藏

使其客鉅鹿魏徵為啓謝密且請改武陽為魏州又

請帥所部西取魏郡南會諸將取黎陽倉密喜即以

寶藏為魏州總管召徵掌記室徵少孤貧好讀書有

大志落拓不事生業始為道士寶藏召典書記密愛

其文辭故召之初貴鄉長魏德深為政清靜不嚴而

治遼東之役徵稅百端民不堪命惟貴鄉閭里不擾

有無相通不竭其力所求皆給元寶藏受詔捕賊數

調器械動以軍法從事其隣城營造皆聚於聽事官
吏督責猶不能濟德深聽隨便修營惟戒吏以不須
過勝餘縣使百姓勞苦然民各竭心常為諸縣之最
縣民愛之如父母寶藏害其能遣將千兵赴東都所
領兵聞寶藏降密思其親戚輒出都門東向慟哭而
返或勸之降密皆泣曰我與魏明府同來何忍棄去

集覽

落拓本傳作落魄按魄亦音拓落魄

質實

武陽郡注

見漢成帝綏和二年鉅鹿郡名注見漢靈帝中平元
年魏徵下曲陽人魏州注見漢成帝綏和二年魏郡
注見漢元帝建昭二年黎陽倉注見陳後主至德元
年貴鄉縣名注見新莽始建國三年元城魏德深鉅
鹿人遼東郡名注見秦王政三年
東都注見秦莊襄王元年三川

李密遣徐世勣取黎陽倉

河南山東大水餓莩滿野詔開黎陽倉賑之吏不時
給死者日數萬人徐世勣言於李密曰天下大亂本
為饑饉今更得黎陽倉大事濟矣密遣世勣帥麾下
五千人濟河會元寶藏郝孝德共襲破黎陽倉據之
開倉恣民就食浹旬間得勝兵三十餘萬竇建德朱
粲之徒亦遣使附密泰山道士徐洪客獻書於密以
為大衆久聚恐米盡人散師老厭戰難可成功勸密
乘進取之機因士馬之銳沿流東指直向江都執取
獨夫號令天下密壯其言以書招之洪客竟不出莫
知所之胡氏曰洪客之謀竒而正非惟李密不及唐
初諸人皆不及也天下未嘗無才或隱於屠販或寄
於盜賊洪客魏徵皆優游黃冠中而抱匡時之略懷
濟世之具頽人不能知耳然李密不足與言豈洪客
未知晉陽興師或無路以自達而於密發之邪以此
一言觀之其胸中之竒固多矣而迄不自見豈其不
及唐室之興而死歟抑如黃石公魯仲連之流歟嗚

呼其可謂高士矣

集覽

黃冠野夫黃冠草服也黃石公漢張良遊下邳圯上遇一老人授一編書

曰後十三年孺子見我濟北穀城山下黃石即我矣

孔文祥云黃石公鬚眉皆白杖丹黎履赤舄葛稚川

云即老子也老子無世不出數易姓名出於黃帝時

號廣成子周文王時號支邑先生武王時號郭叔子

漢初號黃石公漢文時號河上公魯仲連戰國齊人

遊於趙趙欲封之不受而去後齊攻燕聊城不下魯

連乃為書約之矢以射城中遂**質實**庶下注見漢獻

取聊城齊欲爵之乃逃隱海上帝建安十四年

泰山注見秦始皇二十八年河南注見宋主昱元徽

元年山東注見宋文帝元嘉二十五年獨夫注見宋

王子業景

和元年

馮翊太守蕭造降於李淵淵留兵圍河東自引軍西

時河東未下三輔豪傑至者日以千數淵欲引兵西
趣長安猶豫未決裴寂曰屈突通擁大衆憑堅城吾
捨之而去若進攻長安不克退為河東所踵腹背受
敵此危道也不若先克河東然後西上李世民曰不
然兵貴神速吾席累勝之威撫歸附之衆鼓行而西
長安之人望風震駭智不及謀勇不及斷取之若振
槁葉耳若淹留自弊於堅城之下彼得成謀備備以
待我坐費日月衆心離沮則大事去矣且關中蜂起
之將未有所屬不可不早招懷也屈突通自守虜且
不足為慮淵兩從之留諸將圍河東自引軍而西朝
邑法曹靳孝謨以蒲津中潭二城降華陰令李
孝常以永豐倉降京兆諸縣亦多遣使請降

集覽

朝邑今同州有朝邑按同州漢馮翊也蒲津臨晉關
是注見秦始皇二十六年中潭注見陳宣帝大建七
年質實三輔注見唐玄宗開元十一年京兆蜂起注
見秦二世二年一統志云朝邑古地名春秋

時為蒲關戰國魏築城於此漢為臨晉縣地晉為馮翊郡治此後魏分置南五泉縣西魏改為朝邑縣以據朝坂故名隋因之唐改為河西縣屬河中府大厯初復曰朝邑屬同州五代宋金元仍舊本朝因之改屬西安府華陰縣名注見周顯王三十七年陰晉京兆郡名注見唐玄宗開元十一年

王世充救東都合擊李密於洛口

王世充等帥所領會東都越王侗使劉長恭龐玉等帥兵與世充等合擊李密於洛口詔諸軍皆受世充節度江都郡丞馮慈明向東都為密所獲密素聞其名延坐勞問禮意甚厚因謂曰隋祚已盡公能與孤共立大功乎慈明曰公家厯事先朝榮祿兼備不能善守門閥乃與玄感舉兵偶脫網羅得有今日惟圖反噬未諭高旨莽卓敦玄非不彊盛一朝夷滅罪及祖宗僕死而後已不敢聞命密怒囚之慈明說防人

席務本使亡走奉表江都及致書東都論賊形勢至雍丘為密將李公逸所獲密又義而釋之出至營門翟讓殺之密之克洛口也箕山府郎將張季珣固守不下罵密極口密怒攻之不能克時密衆數十萬季珣所領不過數百人而執志彌固誓以必死久之糧盡水竭士卒羸病季珣撫循之一無離叛自三月至於是月城遂陷季珣見密不肯拜

集覽

門閤注見梁孝元帝承聖

元年莽卓敷玄西漢王莽東漢董卓晉王敦桓玄皆篡逆之臣防魯邑名屬兗州

質實

雍丘縣名

李淵濟河遣建成守潼關世民徇渭北

李淵帥諸軍濟河關中士民歸之者如市淵遣世子建成劉文靜帥王長諧等諸軍屯永豐倉守潼關以

備東方兵慰撫使竇軌等受其節度世民帥劉弘基
等諸軍徇渭北慰撫使殷開山等受其節度冠氏長
于志寧安養尉顏師古及世民婦兄長孫無忌謁見
淵於長春宮志寧師古皆以文學知名無忌仍有才
略淵皆禮而用之屈突通署郎將堯君素領河東通
守使守蒲坂自引兵數萬趣長安為劉文静所逼淵
遣其將呂紹宗等

集覽

冠氏長冠氏屬魏郡今大名府冠氏縣冠去聲長令長也

漢法縣萬戶以上置令以下為長安養尉安養縣名屬襄州縣尉主檢覆巡捕

質實

寶軌岐州岐山

人威兄子潼關注見漢獻帝建安十六年渭北注見

漢高帝五年渭水一統志云冠氏古邑名春秋屬晉

漢為魏郡館陶縣地魏晉皆屬陽平郡隋析置冠氏

縣屬魏州大業初屬武陽郡唐初屬毛州後屬魏州

五代宋金並屬大名府元初屬東平路後陞為冠州

本朝初降為縣改屬東昌府于志寧高陵人謹之曾

孫安養縣名未詳沿草顏師古琅邪臨沂人淵三十
七世孫長孫無忌洛陽人晟之子一統志云長春宮
在西安府朝邑縣治西北後周建隋文帝增廣之蒲
坂縣名注見周報王十二年堯君素魏郡人長安縣
名注見漢憲帝五年通守官名注見大業
十二年河東郡名注見漢獻帝建安七年

柴紹妻李氏及李神通段綸各起兵以應李淵關中羣
盜悉降於淵

柴紹之赴太原也謂其妻李氏曰尊公舉兵今偕行
則不可留此則及禍柰何李氏曰君第速行我一婦
人易以潛匿當自為計紹遂行李氏歸鄠縣別墅散
家貲聚徒衆淵從弟神通亦在長安亡入鄠縣山中
與長安大俠史萬寶等起兵以應淵西域商胡潘
仁入司竹園為盜有衆數萬劫李綱為長史李氏使

其奴馬三寶說潘仁與之就神通合勢攻鄠縣下之
神通衆踰一萬以令狐德棻為記室李氏又使馬三
寶說羣盜李仲文向善志丘師利等皆帥衆從之狗
蓋屋武功始平皆下之衆至七萬左親衛段綸娶淵
女亦聚徒於藍田得萬餘人各遣使迎淵淵使紱紹
將數百騎並南山迎李氏關中羣盜皆請降淵以書
慰勞使受**集覽**別墅墅上與反田廬也晉謝安圍碁
世民節度**集覽**賄別墅大俠注見漢武帝元朔二年
任俠司竹園在鳳翔府蓋屋縣令狐德棻令狐複姓
德棻名也令音零棻符分反蓋屋縣名屬京兆今鳳
翔府蓋屋縣山曲曰蓋水曲曰屋因名焉蓋張流反
屋陟栗反並南山並蒲浪反近也南山注見宋文帝
元嘉六年**正誤**並南山今按並**質實**鄠縣注見漢桓帝延
熹七年西域外夷國
名注見漢哀帝元壽二年一統志云司竹園在西安
府蓋屋縣東周迴百里漢為鄠杜竹林故有司竹都

尉隋唐皆置司竹監以掌之令狐德棻華原人蓋屋
縣名注見漢哀帝建平三年武功縣名注見漢後主
建興十二年太原郡名注見齊明帝建武三年并州
始平縣名注見楚義帝元年廢丘藍田縣名注見周
報王
三年

書法

先李氏何壯其志也廣世盜不書盜此其書
羣盜何書降淵則不獮於書盜矣終綱目書

婦人用兵二
沈氏李氏

冬十月李淵合諸軍圍長安

京兆內史衛文昇年老聞淵軍至憂懼成疾獨將軍
陰世師郡丞骨儀奉代王侑乘城拒守淵如永豐倉
勞軍賑饑民進屯馮翊世民所至吏民及羣盜歸之
如流世民收其豪俊以備僚屬營於涇陽勝兵九萬

李氏將精兵萬餘會世民於渭北與柴紹各置幕府
號娘子軍隰城尉房玄齡謁世民於軍門世民一見
如舊識署記室參軍引為謀主玄齡罄竭心力知無
不為淵命劉弘基殷開山分兵西略扶風有衆六萬
南度渭水屯長安故城城中出戰弘基逆擊破之世
民引兵趣司竹軍令嚴整秋毫不犯遣使白淵請期
日赴長安淵命建成選倉上精兵趣長樂宮世民即
新附諸軍北屯長安故城延安上郡雕陰皆請降淵
引軍西行所過離宮園苑皆罷之出宮女還其親屬
十月至長安諸軍皆集合二十餘萬淵命各依壘壁
毋得入村落侵暴遣使至城下諭質實陰世師武威
衛文昇等不報命諸軍進圍城人壽之子馮
朔郡名注見唐玄宗開元十一年同州涇陽縣名注
見周赧王四十九年幕府注見秦王政三年一統志
云隰城晉之縣名本漢滋氏縣地唐改為西河縣本
朝省入汾州又注見周赧王三十年中陽房玄齡臨

淄人彥謙之子扶風郡名注見周顯王八年岐渭水
注見漢高帝五年長安故城在西安府城西北二十
里本秦離宮漢高帝自櫟陽徙都於此惠帝城長安
周圍六十五里南為南斗形北為北斗形長樂宮注
見漢高帝七年延安郡名注見梁武帝普通六年上
郡注見秦王政三年雕陰縣名注見周顯王三十五
年

發明

興王氣象自與庸人不同李淵起兵至是纔
半載方其拔西河斬佞臣慰撫居民秋毫不

犯義聲已昭布於遠近矣既而取霍邑克汾絳降
馮翊守潼關狗渭北兵威所至摧枯拉朽今乃大
合諸軍為攻城之計未幾遂克長安雄據京邑是
豈四方諸寇所能抗衡者哉惟合綱目先後所書
而觀之則太宗之所以肇造
唐室者可謂帝王自有真矣

蕭銑起兵巴陵自稱梁王

巴陵校尉董景珍雷世猛旅帥鄭文秀徐德基張繡等謀據郡叛隋推景珍為主景珍曰吾素寒賤不為衆所服羅川令蕭銑梁室之後寬仁大度請奉之以從衆望乃遣使報銑銑喜從之聲言討賊召募得數千人銑巖之孫也會潁川賊帥沈柳生寇羅川銑與戰不利因謂其衆曰今天下皆叛隋政不行巴陵豪傑起兵欲奉吾為主若從其請以號令江南可以中興梁祚以此召柳生亦當從我矣衆皆悅聽命乃自稱梁公改隋服色旗幟皆如梁舊柳生即率衆歸之銑以為車騎將軍起兵五日遠近歸附者至數萬人遂向巴陵景珍遣徐德基帥郡中豪傑數百人出迎柳生與其黨謀曰我先奉梁公勲居第一今巴陵諸將皆位高兵多我若入城返出其下不如殺德基質其首領獨挾梁公進取郡城則無出我右者矣遂殺

德基入白銑銑大驚曰今欲撥亂返正忽自相殺吾不能為若主矣因步出軍門柳生大懼伏地請罪銑責而赦之陳兵入城景珍言於銑曰徐德基建義功臣而柳生無故擅殺之此而不誅何以為政且柳生為盜日久今雖從義凶悖不移共處一城勢必為變失今不取後悔何及銑又從之景珍收柳生斬之其徒皆潰銑乃築壇

集覽

燔燎燔音煩燎力召反燔燎燔燎自稱梁王所以祭天也天高不可達故

燔柴以祭之庶高烟上通也爾雅祭天曰質實

燔柴馬融曰祭時積柴加牲其上而燔之質實縣名

注見晉明帝咸和四年羅川縣名注見秦始皇三十七年陽周潁川郡名注見漢光武建武八年

王世充及李密戰於洛北敗績

王世充營於黑石分兵守營自將精兵陳於洛北李密引兵度洛逆戰大敗密帥精騎度洛南餘眾東走

月城世充追圍之密策馬直趣黑石營中懼連舉六
烽世充釋月城之圍狼狽自救密還與戰大破之斬
首三千
質實黑石疑是山名未詳處所一統志云洛
南縣名本春秋時晉上洛地漢為上洛
餘級
縣地晉析置拒陽縣尋省後魏復置隋初屬商州尋
改曰洛南縣以在洛水之南故名唐宋金元俱仍舊
本朝初改為華州隸西安府月城未
詳處所狼狽注見漢獻帝初平三年

十一月李淵克長安殺留守官陰世師等十餘人考異

按恩澤例曰凡更革皆書注云除秦苛法之類據分注
淵與民約法十二條悉除隋苛禁竊考漢王元年書沛
公入咸陽除秦苛法更始元年書大司馬秀至河北除
莽苛政晉太原元年書遣使行荆揚除吳苛政則此句
下漏除隋
苛禁四字

李淵命諸軍攻城約毋得犯七廟及代王宗室違者夷三族十一月克長安代王左右奔散惟侍讀姚思廉侍側軍士將登殿思廉厲聲訶之曰唐公舉義兵匡帝室卿等毋得無禮衆皆愕然布立庭下淵迎王於東宮還居大興殿後聽思廉扶王至閣下泣拜而去淵還舍於長樂宮與民約法十二條悉除隋苛禁淵之起兵也留守官發其墳墓毀其五廟至是衛文昇已卒執陰世師骨儀等十餘人斬之餘無所問馬邑郡丞三源李靖素與淵有隙淵將斬之靖大呼曰公興義兵欲平暴亂乃以私怨殺壯士乎世民為之固請乃捨之世民因召置幕府靖少負志氣有文武才略其舅韓擒虎每撫之曰可與言將帥之略者獨此子

集覽 後聽句絕注見晉愍帝建興二年廳事三耳 源李靖李靖京兆三源縣人也為馬邑郡丞

正誤 後聽今按聽即廳字 質實 七廟注見宋明帝泰始七年姚思廉

京兆萬年人察本之子東宮注見宋文帝元嘉二十七年三源縣名注見晉孝武帝太元五年

書法

前書王威高君雅此書陰世師皆具官書殺綱目於唐事書法不隱如此

王世充與李密戰於石子河敗績

王世充堅壁不出越王侗遣使勞之世充慙懼請戰與密夾石子河而陳密布陳十餘里翟讓先戰不利世充逐之王伯當裴仁基從旁橫斷其後密勒中軍擊之世充大敗

李密誘翟讓殺之

翟讓司馬王儒信勸讓自為大冢宰總統衆務以奪密權讓不從讓兄弘曰天子汝當自為柰何與人汝不為者我當為之讓但大笑不以為意密聞而惡之讓謂房彥藻曰君前破汝南大得寶貨獨與魏公全

不與我魏公我之所立事未可知彥藻懼與鄭顛共
說密曰讓貪悞不仁宜早圖之密乃置酒召讓弘與
裴仁基郝孝德共坐單雄信等皆立侍房彥藻鄭顛
往來檢校密曰今日不須多人密左右皆引去讓左
右猶在彥藻白密曰今方為樂天時甚寒司徒左右
請給酒食讓許之乃引讓左右盡出獨密下壯士蔡
建德持刀立侍食未進密出良弓與讓習射讓方引
滿建德自後斫之并弘儒信皆殺之徐世勣走出門
者斫之傷頸王伯當遙訶止之單雄信叩頭請命密
釋之左右驚擾莫知所為密大言曰與君等同起義
兵本除暴亂司徒專行貪虐陵辱羣僚今所誅止其
一家諸君無預也命扶徐世勣置幕下親為傅創讓
麾下欲散密使單雄信前往宣慰密尋獨騎入其營
歷加撫諭令世勣雄信伯當分領其衆中外遂定讓
殘忍儒信貪縱故死之日所部無哀集覽傅創傅讀
之者然密之將佐始有自疑之心矣

集覽

傅創傅讀
曰附或讀

曰敷創讀曰瘡此正刀創質實

大冢宰官名注見陳宣帝太建九年汝南

郡名注見漢光武建武十九年
麾下注見漢獻帝建安十四年

李淵立代王侑為皇帝尊帝為太上皇

侑時年

十三

書法

書尊帝何見唐兵之不以討賊名也故化及
之弒不書太上皇據李允書弒主不予唐之

尊之也唐不正名自是綱目書
自為大丞相書追謚皆無隱矣

淵自為大丞相封唐王以建成為唐王世子世民為秦

公元吉為齊公

以武德殿為丞相府改教稱令置丞相府官屬以裴
寂為長史劉文靜為司馬何潘仁使李綱入見淵留
之以為丞相府司錄專掌選事又以竇威為司錄參
軍使定禮儀淵傾府庫以賜勲人國用不足光祿大
夫劉世龍獻策以為今義師數萬並在京師樵蘇貴
而布帛賤請伐苑中及六街樹為樵以易布帛可得
十數萬匹

集覽

樵蘇廣韻樵柴也蘇草也江淮
南楚之間曰蘇自關而西曰草

質實

竇威岐州岐山人熾之子京
師注見周顯王二十五年

發明

嗚呼唐室之興庶幾乎正矣乃狃於見聞之
故而蹈昔人竊篡之故智實有欲得之心而

又立多君以輔之自為大丞相加殊禮然後取焉
曷不於起兵之初傳檄天下聲隋廣弑逆之罪數
其淫虐之惡播告四方興弔民問罪之師豈不名
正而言順理直而氣壯哉則其得國也雖不能為

湯武之正然亦庶幾矣惜乎一時君臣不明大義此其創業所以不及漢高也歟然其得國比之於他則固優矣綱目詳而書之其義自見

滎陽郡降李密

河南諸郡盡附李密惟滎陽太守郇王慶梁郡太守楊汪尚為隋守密以書招慶為陳利害且曰王之先世家住山東本姓郭氏初非楊族初慶祖父元孫隨母郭氏養於舅族及武元帝從周文帝起兵關中元孫在鄴恐為高氏所誅冒姓郭氏故

集覽 郇王郇地名也

東解縣郇或作質實 滎陽郡名注見秦莊襄王元年

恂音相倫反 梁郡注見漢後主延熙十八年

宋鄴縣名注見漢獻帝建安十五年

十二月唐王淵追謚其大父為景王考為元王夫人竇氏為穆妃。薛舉侵扶風唐王淵遣秦公世民擊敗之。

薛舉遣其子仁果寇扶風李弼拒之舉遣使招弼弼乃請降仁果乘其無備破之悉并其眾勢益張眾號三十萬謀取長安唐王淵使世民將兵擊之大破之追奔至隴坻而還薛舉大懼問其羣臣曰自古天子有降事乎黃門侍郎褚亮曰趙佗歸漢劉禪仕晉轉禍為福自古有之衛尉卿郝瑗趨進曰陛下失問褚亮之言又何悖也昔漢高祖屢經奔敗蜀先主亟亡妻子卒成大業陛下奈何以一戰不利遽為亡國之計乎舉亦悔之曰聊以此試集覽隴坻注見漢光君等耳乃厚賞瑗引為謀主武建武八年趙佗注見漢高帝十一年劉禪三國漢後帝先降於質魏魏禪於晉禪又仕晉亟亡亟去吏反頻數也

實

扶風郡名注見周顯王八年岐
長安縣名注見漢惠帝五年

河池太守蕭瑀以郡降唐

唐以瑀為禮部尚書封宋國公時榆林靈

質實

河池郡名

武平涼安定漢陽諸郡相繼皆降於唐

注見梁武帝中大通六年南岐宋國注見漢後主延

熙十八年榆林郡名注見文帝開皇十九年靈武郡

名注見唐玄宗天寶十五載平涼郡名注見宋文帝

元嘉七年安定郡名注見漢光武建武元年漢陽郡

名注見漢獻帝建

安二十二年下辨

書法

淵既帝侑則皆隋也書降唐何紀實也淵以
名尊侑綱目以實錄故蕭瑀書降唐屈突通

書降唐遣招山南山東書

唐遣遣招河東書唐遣

唐王淵遣李孝恭張道源招慰山南山東諸州下之

孝恭淵之從父兄子也擊破朱榮諸將請盡殺其俘
孝恭曰不可自是以往誰復肯降矣皆釋之於是降

附者三

十餘州

屈突通降唐唐遣通招河東通守堯君素不下考異

按提

要無
通字

屈突通與劉文靜相持月餘復使桑顯和夜襲文靜
營文靜悉力苦戰顯和敗走通勢益盛或說通降通
泣曰吾歷事兩主恩顧甚厚食人之祿而違其難吾
不為也每自摩其頸曰要當為國家受一刀勞勉將
士未嘗不流涕人亦以此懷之及聞長安不守家屬
皆為淵所虜乃留顯和鎮潼關引兵東出將趣洛陽

顯和即以城降文靜遣竇珍等與顯和追之及於稠
桑通結陳自固竇琮遣通子壽往諭之通罵曰此賊
何來昔與汝為父子今與汝為仇誓命左右射之顯
和謂其衆曰今京城已陷汝輩皆關中人去欲何之
衆皆釋仗而降通知不免下馬東南再拜號哭曰臣
力屈至此非敢負國軍人執送長安淵以為兵部尚
書賜爵蔣公兼秦公長史遣至河東城下招諭堯君
素君素歔歔不自勝通亦泣下沾襟因謂君素曰事
勢如此卿當早降君素曰公為國大臣主上委公以
關中代王付公以社稷柰何負國生降更為人作說
客邪且公所乘馬代王所賜也公何面目乘之哉通
曰我力屈耳君素曰我力猶未屈何用多言通慙而
退

集覽

稠桑地名在榮陽西稠音儔

實實

一統志云稠桑地名在河南府靈寶縣西二十

里古桃林也春秋時虢公敗戎於桑田即此蔣州名
注見漢獻帝興平二年金陵秦州名注見漢光武建

武元年天水獻欵注同上年洛陽縣名注見周顯
王三年社稷注見新莽天鳳元年堯君素魏郡人

王世充襲李密敗績

東都米斗三千人餓死者什二三王世充軍士有亡
降李密者密問世充軍中何為軍士曰比見益募兵
再饗將士不知其故密謂裴仁基曰吾幾落奴度中
吾久不出兵世充芻糧將竭求戰不得故募兵饗士
欲乘月晦以襲倉城耳宜速備之乃命郝孝德王伯
當孟讓勒兵分屯城側以待之其夕世充兵果至伯
當遇之不利總管魯儒拒却之伯當收兵擊之斬其
驍將士卒戰溺死者千餘人世充屢戰不勝越王侗
遣使勞之世充訴以兵
少侗以兵七萬益之

唐劉文静取弘農質實

弘農縣名注見周
顯王四十五年陝

書法

淵既相侑則猶隋臣也綱目於隋篇而揭書唐劉文靜名實見矣使唐不立侑於此何議

焉此唐之所以為大綱不正者也

○唐王淵遣使徇巴蜀下之質實

巴蜀二郡名注見楚義帝元年

○蕭

銑取豫章林士弘退保餘干質實

豫章郡名注見漢武帝元鼎五年一統志

云餘干縣名本春秋時越之西境為越餘地漢置餘干縣屬豫章郡吳屬鄱陽郡隋改曰餘干縣屬饒州唐宋

因之元陞為餘干州本朝初改為縣屬饒州府

戊隋恭帝侑義寧二年恭帝侗皇泰元年唐高祖神堯寅皇帝李淵武德元年○夏王竇建德五鳳元涼王李軌安樂元楚王朱粲昌達元年○是歲并楚士弘魏定楊梁師都秦梁銑凡十二國隋煬帝廣恭帝侑秦魏亡

考異

按歲年例曰建國之大者朱注國名諡號姓名年號小者朱注國名此年隋恭帝侑義寧恭帝侗皇

泰唐高祖神堯皇帝李淵武德及夏涼楚國名總結是歲凡十二國皆當朱注列本當白字前後倣此春

正月唐王淵自加殊禮

劍履上殿贊拜不名王既克長安以書諭降郡縣於是東自商洛南盡巴蜀郡縣長吏盜賊氏羌爭遣子弟入見請降有司質實一統志云商洛山名在西安復書日以百數府商縣東南九十二里亦名

楚山即秦時

四皓隱處

發明

唐公以兵取天下而亦嚴近世篡奪之跡何也惟其始也名義之不正故其終焉之弊必

至於此書自為大丞相自加殊禮自為相國唐公雖欲曲為之說何可得也惜哉

魏公密敗隋王世充於洛北

王世充既得東都兵進擊李密於洛北敗之遂屯鞏北命諸將各造浮橋渡洛橋成者先進前後不一密帥敢死士乘之溺死數萬人世充僅免諸將皆潰世充復收合亡散得萬餘人屯含嘉城密乘勝進據金墉城擁兵三十萬陳於北邙南逼上春門越王侗使段達韋津拒之達望見密兵盛懼而反走密縱兵乘之軍潰津死城中乏食於是偃師柏谷河陽河內皆降於密實建德等並遣使奉表勸進密曰東都未平未可質實洛北洛水之北注見漢高后三年鞏北鞏議此質實縣之北注見漢王邦四年含嘉城未詳處所金墉城注見魏元帝咸熙二年偃師縣名注見唐肅宗至德二年柏谷塢名注見漢武帝建元三年河陽縣名注見漢帝立更始二年河內縣名注見周赧王五十三年野王勸進注見晉元帝建武元年北邙

山名注見漢靈帝中平六年東都注見秦莊襄王元年三川

書法

書隋王世充何始夷隋於列國也自是隋事皆書隋而李密輩皆稱國

唐遣世子建成秦公世民救東都以齊公元吉為太原道行軍元帥。三月隋宇文化及弒其君廣於江都立

秦王浩

煬帝至江都荒淫益甚酒危不離口然見天下危亂亦不自安退朝則幅巾短衣徧歷臺閣汲汲顧景惟恐不足常仰視天文謂蕭后曰外間大人圖儂然且共樂飲耳因引滿沉醉又引鏡自照曰好頭頸誰當斫之后驚問故帝笑曰貴賤苦樂更迭為之亦復何傷見中原已亂無心北歸欲保江東門下錄事李

伺容曰江東卑濕土地險狹內奉萬乘外納三軍民不堪命恐亦將散亂耳御史劾之於是公卿皆阿意言江東之民望幸已久陛下撫而臨之此大禹之事也乃命治丹陽宮將徙都之時江都糧盡從駕驍果多關中人思歸郎將司馬德戡元禮直閤裴虔通等共謀亡去因轉相招引日夜結約於廣坐明論叛計無復畏避宮人聞之言於帝帝怒斬之自是無敢言者郎將趙行樞以告將作少監宇文智及智及大喜曰上雖無道威令尚行卿等亡去徒取死耳今天實喪隋英雄並起同心叛者已數萬人因行大事此帝王之業也德戡等然之行樞因請以智及兄許公化及為主化及聞之變色流汗既而從之德戡等乃悉召驍果諭以所為皆曰惟將軍命乃夜於東城集兵得數萬人舉火與城外相應帝望見火聞外喧囂問曰何事虔通對曰草坊失火外人共救之耳帝以為然明日未明德戡使虔通將數百騎入宮屯衛將軍

獨孤盛與左右十餘人拒戰而死千牛獨孤開遠帥殿內數百人叩閭請帝自出臨戰無應者軍士稍散先是帝選驍健宮奴數百人置玄武門謂之給使以備非常至是化及等結帝所信司宮魏氏使矯詔聽給使出外德戡遂引兵自玄武門入帝聞亂易服逃於西閭虔通等入永巷問陛下安在有美人出指之校尉令狐行達拔刀直進扶帝下閭勒兵守之至旦以甲騎迎化及化及戰栗不能言既至德戡等迎謂引入朝堂號為丞相虔通逼帝出宮化及見之曰何用持此物出亟還與手於是引帝還至寢殿虔通等露刃侍立帝歎曰我何罪至此賊黨馬文舉曰陛下違棄宗廟巡遊不息外勤征討內極奢淫使丁壯盡於夫刃女弱填於溝壑四民喪業盜賊蜂起專任佞諛飾非拒諫何謂無罪帝曰我實負百姓至於爾輩榮祿無極何乃如是今日之事孰為首邪德戡曰溥天同怨何止一人化及又使封德彝數帝罪帝曰卿

乃士人何為亦爾德彝報然而退帝愛子趙王杲年
十三在側號慟不已虔通斬之血濺御服欲遂弑帝
帝曰天子死自有法何得加以鋒刃取鳩酒來文舉
等不許使令狐行達縊殺之初帝每巡幸常以蜀王
秀自隨化及既弑帝欲迎立之衆議不可乃殺之及
齊王暕宗戚無少長皆死惟秦王浩素與智及往來
且以計全之暕素失愛於帝恒相猜忌帝聞亂謂蕭
后曰得非阿兒邪化及使人誅暕暕謂帝使救之曰
詔使且緩兒兒不負國家父子至死不相明又殺虞
世基裴蘊來護兒等世基弟世南抱世基號泣請以
身代化及不許化及自稱大丞相總百揆以皇后令
立秦王浩為帝居別宮以兵守之令發詔畫敕而已
以智及裴矩為僕射士及為內史初矩知將有亂雖
所役皆厚遇之又建策為驍果娶婦故免於難化及
至又迎拜於馬首故化及亦以為僕射化及之入朝
堂也百官畢賀蘇威亦往給事郎許善心獨不至化

及殺之其母范氏年九十二撫柩不哭曰吾有子矣
不食而卒唐王之入關也張季珣之弟仲琰為上洛
令死之至是仲琰弟琮為千牛左右亦為化及所殺
兄弟皆死國難時人惜之唐王聞變慟哭曰吾北面
事人失道不能救敢**集覽**汲汲顧景汲汲不休息貌
忘哀乎追謚曰煬又勤急貌顏師古曰汲汲
欲速之義如井汲之為也禮記汲汲然如有追而弗
及也樞要云日光曰景日景曰晷左傳趙孟視蔭謂
顧視日景也汲汲顧景惟恐日景之云暮大禹之事
夏帝禹立十年東巡狩至於會稽司官加以官刑而
為閹宦之長左傳楚以羊舌肸為司官亟還與手
亟趣也執帝手而扶出故曰亟還猶言速放手也**正**
誤司官今按司官魏氏乃婦人也亟還與手今按謂
急引還與下手弒之也晉書周筵傳元帝遣筵殺
周續筵叱郡傳赦吳曾何不**質實**汲汲注見唐德宗
與手曾以刀環築續殺之貞元二十一年幅

巾事物紀原云古庶人服巾士則冠矣傅子曰漢末王公多委士服以幅巾為雅素則幅巾古賤者服也漢末始為士人之服袁紹戰敗幅巾渡河是也許縣名注見漢光武建武八年千牛官名注見梁武帝普通二年永巷宮獄名注見周赧王四十五年鄭栗恐懼貌蜂起注見秦二世二年上洛縣名注見晉元帝太興元年

書法

秦嘗夷於列國矣趙高弒帝則書帝廣則曷為斥名而書其君廣弒逆則賊也與二世又

異矣弒逆之賊而化及君之君而弒之書曰其君以為化及之所君云耳

發明

或問武王數紂之罪煬皆有之至於弒父殺兄乃紂之所無者後世以誅獨夫紂為言至

於煬之死也何為反書弒乎曰煬之罪惡固天地之所不容人神之所共怒者至化及等輩則無所

負故其責德戡之語以謂我實負百姓而於爾等
榮祿皆極何乃如是此徒皆無以應然則煬固化
及之君也直書曰弒所以正此曹之罪耳向使是
時起兵之衆有能聲其大逆推明寢殿之事奉將
天罰執而數之肆諸市朝殘其身猶其宮以正殺
無赦之罪則廣必自伏其辜而綱目亦必以獨夫
之誅處之矣惟夫舉天下無有能正之者是以書
法如此不然是時天下猶廣之天下何以不書曰
帝而必書曰其君廣耶變文起義彼固化及之君
也嗚呼綱目至是亦有不得已之意焉爾可勝歎
哉

唐王淵自為相國加九錫

隋以唐王為相國總百揆加九錫王謂僚屬曰此諂
諛者所為耳孤秉大政而自加寵錫可乎必若循魏

晉之迹彼皆繁文偽飾欺天罔人孤竊恥之或曰歷代所行亦何可廢王曰堯舜湯武各因其時取與異道皆推其至誠以應天順人未聞夏商之未必效唐虞之禪也但改丞相為相國府其九錫殊禮皆歸之有司范氏曰唐高祖可謂不自欺矣然以兵取而必曰受禪是未免襲衰世之迹也胡氏曰天道誠聖人亦誠人非生知安行必勉於思誠思而不息亦能學知而利行矣湯武之德不及堯舜而列於聖人者由此其選也故其於桀紂也尚為君則臣之天命殛之則伐之固不虛為臣之名而實為伐之之事也唐王惟不正名楊廣為弑父與君之賊而舉師是故節目繁多詭正並用興王之術駁而不慙也夫殊禮固不可自加也前日都督丞相唐王之命果出恭帝邪能言湯武之誠而不悟在己之多偽由不學之過也

集覽

唐王惟不正名楊廣為弑父與君之賊而舉師只作一句讀楊廣煬帝也謂唐王不正以煬帝

弑父與君之罪為名而興兵乃集將佐曰劉武周據汾陽宮吾輩罪當族滅又稱臣突厥謂曰欲舉義兵迎主上又詐為敕書發民為兵擊高麗又世民以宮人私侍之事却其父以此多端而舉師故下文曰節目繁多詭質實百揆注見漢平帝元始五年正並用九錫注見漢平帝元始五年

宇文化及發江都

宇文化及擁眾十餘萬據有六宮自奉如煬帝以少主浩付尚書省令衛士守之遣吏取其畫敕百官不復朝參下令欲還長安奪人舟楫以行至顯福宮虎賁郎將麥孟才等與折衝郎將沈光謀曰吾儕受先帝厚恩今俛首事讎何面目視息世間哉吾必欲殺之死無所恨光泣曰是所望於將軍也乃與孟才糾合恩舊帥所將數千人將以晨襲化及語集覽視息瞻視洩化及殺之其麾下皆鬪死無一降者

喘息也注見晉
武帝咸寧五年
質實沈光吳興人

隋吳興太守沈法興起兵據江表十餘郡

法興聞宇文化及弑逆舉兵討之得精卒
六萬攻餘杭毘陵丹陽皆下之據十餘郡
質實吳興郡名

注見宋明帝泰始二年沈法興武康人餘杭郡名注
見唐憲宗元和二年毘陵郡名注見煬帝大業十二

年丹陽郡名注見漢
獻帝興平二年金陵

夏四月唐世子建成等還長安

世子建成秦公世民引兵至東都城多欲為內應
者世民曰吾新定關中根本未固雖得東都不能守
也遂不受將還世民又曰城中見吾還必來追躡乃
設三伏以待之段達果來追遇伏而敗世民遂置新

安宜陽二郡分

質實

長安縣名注見漢惠帝五年新
安郡名注見楚義帝元年宜陽

郡名注見周

安王十一年

宇文化及至彭城魏公密拒之化及引兵入東郡

宇文化及至彭城奪人車牛載宮人珍寶而使軍士
 自負戈甲道遠疲劇軍士皆怨司馬德戡謂趙行樞
 曰君大謬誤我當今撥亂必藉英賢化及庸暗羣小
 在側事將必敗若之何行樞曰在我等耳廢之何難
 遂與諸將謀殺化及事泄化及執德戡等讓之德戡
 曰本殺昏主苦其淫虐推立足下而又甚之逼於物
 情不得已也化及殺之并其黨十餘人李密據鞏洛
 以拒化及化及不得西引兵入東郡通守王軌以城
 降**質實**彭城郡名注見秦始皇二十八年鞏洛鞏縣
 之**質實**名注見漢王邦三年洛州名注見秦莊襄王

元年三川東郡注見
漢光武建武八年

梁王銑稱皇帝

梁王蕭銑即帝位置百官徙都江陵修復園廟引岑
文本為中書侍郎委以機密又使張繡狗嶺南郡縣
多降始安郡丞李襲志散財募士以保郡城羣盜攻
之皆不能下閩煬帝遇弒帥吏民臨三日或以尉佗
之事說之襲志怒曰吾世繼忠貞江都雖覆宗社尚
存尉佗狂僭何足慕也欲斬說者衆乃不敢言堅守
二年外無聲援至是城陷為銑所虜於是東自九江
西抵三峽南盡交趾北距漢川銑皆有之勝兵四十
餘**集覽**尉佗注見漢光**質實**江陵縣名注見漢獻帝
萬武建武五年建安十三年岑文本鄧
州棘陽人嶺南謂五嶺之南即南海郡注見秦始皇
三十三年始安郡注同上桂林李襲志狄道人九

江郡名注見晉明帝太寧二年潯陽三峽注見宋明
帝泰始二年江都縣名注見漢獻帝興平元年交趾
郡名注見唐宣宗大中二年漢
川郡名注見周赧王四年漢中

五月唐王淵稱皇帝

隋恭帝禪位於唐唐王即皇
帝位推五運為土德色尚黃

書法

漢唐皆以兵取天下者也漢高祖書即皇帝
位此其書稱皇帝何唐之兵不以討賊名也
故綱目書自為大丞相封唐王書自加殊禮書自
為相國加九錫書稱皇帝與魏晉以下無異矣

唐罷郡置州以太守為刺史○隋越王侗稱皇帝

東都留守官聞煬帝凶問奉越王侗即位段達王世
充為納言元文都為內史令共掌朝政侗眉目如畫

溫厚仁愛
風格儼然
質實
納言官名注見漢
靈帝光和元年

書法

昭烈之立也書即皇帝位何煬嫡孫也煬弑而後即位則書稱皇帝何煬弑父則賊也其

子孫豈得與昭烈比哉綱目立書稱皇帝弑書隋主列國之也

突厥遣使如唐

時突厥彊盛東自契丹室韋西盡吐谷渾高昌諸國皆臣之控弦百餘萬唐初起兵資其兵馬前後餉遺不可勝紀突厥恃功驕倨每遣使者至長安多暴橫唐主優容之

集覽

突厥注見梁武帝大同十

一年契丹注見晉安帝義熙二年室韋契丹之別種丁零之苗裔地據黃龍北傍徃越河共有七姓室或作失吐谷渾注見晉元帝建武元年質實控弦注見漢年高昌注見宋文帝元嘉十九年帝立更始二

年

唐定律令置學校

命裴寂劉文靜等脩律令行之置國子太學四門生三百餘員郡縣學亦置生員

發明

秦人焚書坑儒至漢始開學校隋人廢黜儒學至唐始置學校吾道固不以是而隆汙而

漢唐之所以立國者則有其本矣故特書之

六月唐以趙公世民為尚書令裴寂為右僕射知政事
劉文靜為納言竇威蕭瑀為內史令

唐主待裴寂特厚羣臣莫及日賜御膳言無不從稱
為裴監而不名委蕭瑀以庶政事無大小莫不關掌

瑀亦孜孜盡力繩違舉過人皆憚而毀之瑀終不自
理嘗有敕不時宣行唐主責之瑀對曰大業之世內
史宣敕或前後相違有司不知所從今王業經始事
繫安危故臣每受一敕必勘審使與前敕不違始敢
宣行稽緩之愆實由於此唐主曰卿用心如此吾復
何憂唐主每視事自稱名引貴臣同榻而坐劉文静
諫曰貴賤失位非常久之道唐主曰諸公皆名德舊
齒平生親友宿昔之歡何可忘也胡氏曰裴劉皆非
宰相才一時起事同謀次第至此耳然自二人長短
論之文静智謀出寂右建義之舉又文静先言而高
祖待寂特厚者寂之為人宜於高祖而文静之為人
合於太宗也夫高祖不取磊落奇士而眷眷於私暱
狎比之徒久而不忘故唐室初政無**質實**孜孜不倦
足觀者人主之職亦論相而止矣

見晉成帝
咸和七年

唐立四親廟

追尊皇高祖熙曰宣簡公皇曾祖天賜曰懿王皇祖
虎曰景皇帝廟號太祖皇考昞曰元皇帝廟號世祖
妣皆為后謚妃竇氏曰穆皇后每歲祀昊天上帝皇
地祇神州地祇以景帝配感生帝明堂以元帝配

集覽

昊天上帝周禮大宗伯以禋祀昊天上帝鄭
司農云昊天上帝也昊天上帝樂以

雲門鄭玄謂昊天上帝冬至於圜丘所祀天皇帝
也皇地祇注見漢後主建興十五年神州地祇神州
注見晉懷帝永嘉五年景帝配唐高祖之祖名虎追
謚景皇帝王者必以其祖同祭於天尊之也感生帝
明堂唐禮樂志正月上辛祈穀祀感生帝於南郊季
秋祀五方天帝於明堂春秋元命包曰天之五帝迭
王王者之興必感其一故祀其所感生者如周為木
德以青帝為感生也記大傳曰禮不王不禘王者禘

其祖之所自出以其祖配之注云凡大祭曰禘自由也大祭其先祖所由生謂郊祀天也王者之先祖皆感太微五帝之精以王蒼則靈威仰赤則赤熛怒黃則含樞紐白則白招拒黑則協光紀皆用正歲之正月郊祀之蓋特尊焉孝經曰郊祀后稷以配天配靈威仰也宗祀文王於明堂以配上帝汎配五帝也

唐立世子建成為皇太子世民為秦王元吉為齊王考

證立世子當作更世子皇太子當去皇字○謹按凡例曰立太子非正統則不書因奉特書者去皇號是年天下凡十二國唐雖稱帝無統之時也特書以備唐事而已故當去皇號後立太宗時已并天下得正統故書皇太子非抑此而尊彼也

宗室封王者八人

發明

觀高祖之得天下大抵出於秦王也使無秦

王高祖且不得安其祿位保其身家况有天

下之大哉高祖有言今日破家滅軀亦由汝化家

為國亦由汝是則唐三百年之基業肇於秦王其

當有天下無疑也高祖於是時蓋召建成明諭以

其基業所由興之故非世民無以有今日俾其明

白推讓則建成有讓國之美世民無推刃之慚萬

一建成不從則斷以大義封之邀阻之地世民苦

遜則質以至誠察其由衷之言至再至三表裏面

背始終無間然後定儲貳之位必至於兩全而後

已則父子之道得兄弟之好終君臣之分定而國

家安於磐石矣惜乎計不出此厥後骨肉相殘為

古今之大

惡悲夫

秦主舉侵唐涇州質實

涇州注見漢光武
建武元年安定

○唐以永安

王孝基為陝州總管質實

永安縣名注見周赧王三十五年陝州注見周顯王四十五

年

時邊要州皆置總管府以統數州之兵

唐廢隋帝侑為鄴國公而選用其宗室

詔曰近世以來時運遯草前代親族莫不誅夷興亡之效豈伊人力其隋蔡王智積等子孫並付所司量才選用范氏曰商之孫子侯服于周誅其罪人之身而立其子天下公義也况宗族乎高祖始即位而立隋子孫由漢以來最為**集覽**鄴立圭反說文東海之忠厚其享國長世宜哉**邑按**杜預注紀地也在齊國東平縣昔紀季以鄴入齊今鄴亭是侯服于周詩大雅文王篇商之孫子其簋不億上帝既命侯于

周服文公集傳曰商之孫子其數不止於億然以上帝之命集於文王而今皆維服於周矣

書法

備自立為皇帝每事書唐而已未嘗有帝也此則曷為以隋帝書罪唐也不宜立而立之

既已立之而又廢之斯唐罪矣故雖夷隋列國而於備特書帝焉所以正罪唐也曷為名備別於侗也然則書選用其宗室何予存厚也自蕭道成弑汝陰王滅其族是後廢主之族無得免者唐於楊氏不惟不忍加害又選用焉可謂厚矣書廢隋帝備罪之也書選用其宗室予之也故書而以殊之唐事至是始有可書者矣

發明

書廢隋帝為國公則未免襲近世之跡書選用其宗室則大非近代之比矣享國久長年

幾三百

宜哉

唐以孫伏伽為治書侍御史

萬年縣法曹孫伏伽上表曰隋以惡聞其過亡天下
故陛下得之然陛下徒知得之之易而未知隋失之
之不難也謂宜易其覆轍務盡下情凡人君言動不
可不慎陛下今日即位而明日有獻鷄雖者此乃少
年之事豈聖主所須哉又百戲散樂亡國淫聲近太
常於民間借婦女裙襦以充妓衣擬五月五日玄武
門遊戲此亦非所以為子孫法也夫善惡之習漸染
易移太子諸王參僚左右宜謹擇其人有門風不睦
素無行義專好奢靡以聲色遊獵為事者皆不可近
自古骨肉乖離以至敗亡未有不因左右離間而然
也唐主大悅下詔褒稱擢為治書侍御史賜帛三百
匹仍頒示遠近范氏曰天下之勢如人一身必氣血
周流無壅而後能存諫者使下情上通上意下達如
血氣之周流於一身也故言路開則治言路塞則亂

高祖鑒隋之所以亡首闢言路可謂知先務矣是以
民知上之憂已而疾痛將有所赴愬也唐室之興不
亦宜質實萬年縣注見漢高帝
十年孫伏伽貝州人

乎
書法

書美從善也高祖初政
即有此書可謂知務矣

唐竇威卒以竇抗陳叔達為納言。魏公密敗宇文化
及於黎陽奉表降隋

東都聞宇文化及西來上下震懼有蓋琮者上疏請
說李密與之合勢以拒化及元文都盧楚以為然使
琮齎敕書賜密化及引兵北趨黎陽李密將徐世勣
先據黎陽畏其軍鋒西保倉城化及渡河保黎陽分
兵圍世勣密壁於清淇與世勣以烽火相應深溝高
壘不與戰密與化及隔水而語數之曰卿本匈奴

隸世受隋恩主上失德不能死諫反行弒逆天地所不容將欲何之化及默然良久大言曰與爾論相殺事何須作書語邪乃盛修攻具以逼倉城世勣擊敗之密畏東都議其後見蓋琮至大喜遂上表乞降請減化及以贖罪隋主引見其使冊拜密太尉尚書令封魏公侯平化及入朝輔政元文都等喜於和解於上東門置酒作樂王世充作色曰朝廷官爵乃以與賊其志欲何為邪文都等亦疑世充欲以城應化及由是有隙七月李密悉以精兵東擊化及化及食盡入汲郡求軍糧又遣使拷掠東郡吏民以責米粟王軌等不堪其弊詣密請降化及大懼引餘衆二萬北趨魏縣密知其無能為西還鞏洛留徐世勣以備之蘇威在東都亦詣密降密虛心禮之威初不言帝室艱難惟再三舞蹈稱不圖今日復覩聖明時人鄙之

集覽

蓋琮蓋姓也音古蓋反皐隸皐昨早反左傳人有十等王臣公公臣大夫大夫大夫士士臣皐皐

臣輿輿臣隸隸臣質實

黎陽縣名注見漢成帝綏和三年清淇疑是水名未詳處

僚僚臣僕僕臣臺
所烽火注見齊高帝建元四年魏縣注見漢成帝綏和二年東郡注見恭帝侗皇泰二年汲郡注見秦莊

襄王

三年

發明

世或謂密似項羽先儒固已辨之矣羽雖剽悍禍賊然志在滅秦無復回貳密起兵不為

不久乃與東都迭為勝負其非羽比甚明且密前此移檄州郡數場十罪至是乃反欲降隋何哉綱目前書攻東都此書上表降隋密進退無所據矣其敗宜也

秋七月唐秦王世民與秦主舉戰於高墪敗績

薛舉進逼高墪秦王深溝高壘不與戰會得瘡疾委軍政於長史劉文静且戒之曰薛舉懸軍深入食少

兵疫若來挑戰慎勿應也俟吾疾愈為君等破之文
靜欲耀武以威之乃陳於高塘西南恃眾而不設備
舉潛師掩其後士卒什死五六大将劉弘基等皆
沒世民引還長安舉遂拔高塘文靜等皆坐除名集

覽

高塘城名在今大都路霸

正誤

高塘今按高塘地在隴西時屬薛舉

與保定縣相去甚遠保定縣乃

質實

挑戰注見漢王邦四年

書法

戰而敗者文靜也書世民何已為元帥而以疾自諉喪師失地罪誰執哉直書世民與戰

敗績其示為人臣子之義著明矣

隋王世充殺元文都隋主以世充為僕射魏公密如東

都不至而復

李密每戰勝輒使告捷於隋隋人皆喜世充獨曰文都輩刀筆吏耳吾觀其勢必為李密所擒且吾軍士屢與密戰殺其父兄子弟前後已多一旦為之下吾屬無類矣欲以激怒其衆文都懼謀因世充朝伏甲誅之段達以告世充世充夜勒兵襲含嘉門文都入奉隋主御殿閉門拒守世充攻太陽門得入殺盧楚隋主使人問世充稱兵何為世充下馬謝曰元文都盧楚橫見規圖請殺文都甘從刑典段達令人執送文都隋主慟哭遣之世充殺之及其諸子段達開門納世充世充悉遣人代宿衛者然後入見謝曰文都等欲召李密以危社稷疾臣違異深積猜嫌迫於救死不暇聞奏被髮為誓辭淚俱發隋主以為誠以世充為左僕射總督內外諸軍事世充移居尚書省使兄世暉入居禁中子弟咸典兵馬隋主拱手而已密將入朝至溫聞變而還初密獲東都國子祭酒徐文遠以故嘗受業備弟子禮北面拜之文遠曰將軍之

志欲為伊霍以繼絕扶傾則老夫雖遲暮猶願盡力
若為莽卓乘危邀利則無所用老夫矣密頓首曰願
竭庸虛康濟國難此密之素志也文遠曰將軍名臣
之子失塗至此若不遠而復猶不失為忠義之臣密
頓首受教至是密復問計文遠曰世充亦門人也其
人殘忍必有異圖將軍前計為不諧矣非破世充不
可入朝也**集覽**溫注見周赧**質實**社稷注見新莽天鳳元
年禁中注見宋孝武帝

大明六年伊霍謂伊尹

霍光莽卓謂王莽董卓

唐詔廢隋離宮質實

離宮注見煬帝大業元年

書法

前書置離宮此書廢離宮十四年
間一置一廢世主亦可以鑒矣

○長樂王建德定都樂壽

初隋河間郡丞王琮守郡城建德攻之歲餘不下琮
 聞煬帝凶問帥吏民發喪建德遣使弔之琮乃降建
 德退舍待之琮言及隋亡俯伏流涕建德亦為之泣
 諸將請烹之建德曰琮忠臣也吾方賞之以勸事君
 柰何殺之往在高雞泊為盜容可妄殺人今欲安百
 姓定天下豈得害忠良乎以琮為瀛州刺史於是河
 北郡縣聞之爭附於建德先是建德陷景城執戶曹
 張玄素將殺之縣民千餘號泣請代其死曰戶曹清
 慎無比殺之何以勸善建德釋之以為治書侍御史
 固辭及聞江都敗以為黃門侍郎玄素乃起饒陽令
 宋正本博學有才氣說建德以定河北之
 策建德引為謀主定都樂壽備置百官
 冀州之域秦置邯鄲郡漢為河間郡隋唐為瀛州宋
 陞河間府境內有瀛山高數百丈景城唐改滄州今
 屬河間府饒陽注見漢帝玄更始二年樂壽漢樂壽
 縣武帝封河間獻王之子禮為樂壽侯即此今獻州

集覽

瀛州禹貢

理樂壽縣屬河間府府質寶

河間郡注見漢帝立更始二年一統志云高雞

泊在大名府界唐中和中宰相王鐸出為義昌節度過大名樂彥禎子從訓利其裘馬妾侍伏兵於高雞泊劫鐸及家屬吏佐三百餘人皆遇害時朝廷微弱不能治其寃即此瀛州注見漢帝立更始二年河間景城漢之縣名屬渤海郡東漢省後魏徙咸平縣治此隋改曰景城縣屬瀛州唐屬滄州後省之故城在河間府獻縣界張玄素蒲州虞鄉人樂壽縣名注見恭帝侗皇泰元年

御批資治通鑑綱目卷三十七下

謹案第七頁後二行東郡刊本郡訛都據隋書李
密傳改

第七頁後六行隋謂之治中唐謂之通守按隋百
官志郡置贊務其後加置通守又改贊務為丞
位在通守下唐百官志武德元年改贊治曰治
中高宗即位曰司馬下州亦置焉此誤

第十一頁後一行懷遠鎮名未詳處所按唐地理
志隋于營州之境置遼西郡武德元年曰燕州

領縣三遼西瀘河懷遠貞觀元年省懷遠此失考

第十二頁後五行魯郡注見漢景帝三年濟南按漢之濟南于隋為齊郡在禹貢青州之域其魯郡自在徐州此誤

第十五頁後一行妹壻苑君璋為內史刊本苑訛范據唐書劉武周傳改

第十六頁前一行鹽川郡未詳沿革按隋地理志

鹽川郡西魏置西安州後改鹽州大業初于五原縣置鹽川郡此失考

第十六頁前七行本漢北平縣地按郭子和之永樂特取以為美稱耳若北平之地其去榆林遠矣此誤

第十六頁前八行改為滿城縣刊本滿訛蒲據唐地理志改下同

第十六頁後一行徙秦州治此刊本秦訛秦據五

代史杜重威傳改

第十六頁後六行羅暎為興王按唐書薛舉傳舉以羅暎為義興公進為義興王此疑脫義字

第二十七頁後二行昌松地名未詳處所按隋地理志武威郡昌松縣元和郡縣志涼州神烏縣西北至州一百二十里本漢蒼松縣後魏置昌松郡縣屬焉開皇初改永年縣後復為昌松此失考

第三十四頁前五行岐州岐山人威兄子按唐書
竇威傳威岐州平陵人北史竇熾隋書竇榮定
傳並同

第三十四頁後一行安養縣名未詳沿革按隋地
理志襄陽郡安養縣唐地理志襄州鄧城本安
養天寶元年曰臨漢貞元二十一年更名此失
考

第三十七頁前四行巖之孫也刊本巖訛巖據蕭

銳傳改

第三十八頁前二行洛南縣名按洛南洛水之南
非商州之縣也此誤

第三十八頁後五行馬邑郡丞三源李靖按隋地
志及李靖傳源並作原

第三十九頁前一行察本之子按南史陳書唐書
俱言姚察不言姚察本此誤

第四十頁後五行熾之子刊本熾訛熾據實威傳


改

第四十三頁前七行在滎陽西按滎陽當作大陽
第四十五頁後三行以齊公元吉為太原道行軍
元帥按高祖紀此事在三月己酉

第五十頁前七行秦公世民按高祖紀義寧二年
三月乙卯世民徙封趙國公此秦公當作趙公
第五十五頁前八行在齊國東平縣按東平當作
東安平此脫安字

第六十頁前二行宰相王鐸出為義昌節度按本
傳鐸由義成節度徙義昌節度非以宰相出鎮
也此誤





總校官庶吉士臣張能照
校對官檢討臣王鍾健
謄錄監生臣趙之璧